

F-45.102

R182





FROM THE LIBRARY OF

REV. LOUIS FITZGERALD BENSON, D. D.

BEQUEATHED BY HIM TO

THE LIBRARY OF

PRINCETON THEOLOGICAL SEMINARY

SCB
2162

Division

Sev 11/14



SECTION
DEC 18 1938
THEOLOGICAL SEMINARY

3/6

(261)

Handwritten scribbles

Karotunga is the largest
of the Cook Islands
in the Pacific Ocean

In Karotunga
one of the Polynesian
languages

See Quaintest with Hall

B & J. F. MEEHAN
EXPORT BOOKSELLERS
32, GAY STREET,
BATH

ARONGA

IMENE;

KOIA OKI TE TUATUA

AKAMEITAKI.

I TE


ATUA.

E te ako anga tetai ki tetai ma te
 Salamo e te Imene e te Oda o te Vaerua,
 ma te akameitaki i roto i to kotou ngakau
 i te Atua. Kolosa. 3. 16.

✓
 RAROTONGA.

PRINTED AT THE MISSION PRESS.

1843.



E IMENE.

IMENE I. (6 .8) Evani.

To te Atua Mutu kore anga.

- 1 Ko koe te Akapu anga,
E te Atua tikai.
'Koe rai te Akapu anga
No matou roarai.
- 2 Kare t'au maunga i anau,
Ma to te ao nei rai;
Ko tocuterono kua mou
Mei ito rava mai.
- 3 Ka kore t'au apinga nei
I angaia e koe;
Kare e roa ia kua pe,
E kare ua e toe.
- 4 Ko koe ra te Atua mou,
Tei mei taito mai;
E to tei muri tuatau
Atua, ko koe rai.
- 5 Ko koe te Akapu anga,
Mei muatangana mai;
Ka vai rai toou noo anga
T'au uki ravarai.

IMENE II. (8. 6.) Lidi

Kare te Atua e tu ke.

- 1 Atua mou tei runga nei,
Jehova mana mou :
Kare rava 'tu e tu ke
Te Atua no tatou.
- 2 Koia te Pu o te rangi,
E to te rangi peu ;
Ko tona tu mei ito mai,
E kare rai i keu.
- 3 E ou te pa enua nei
Te rangi e te tai,
Ko koe rai koe, i teiane, i,
E mei taito mai.
- 4 'Kotai ra ou tu tikai
To te Atua mou,
E kare rava e tu ke
E rau te tuatau.

IMENE III. (8.) Beruika.

te Atua kite maata. Salamo 139.

- 1 Jehova e, kua kite koe
'To roto roa iaku nei ;
Nga ngai roarai kare e toe,
Ko mua e ko muri rai :
To roto i toku nei ngakau,
Kia noo, e kia aere au.

- 2 Te tuatua a toku vaa
Kare i ngaro iakoe ;
Tei raveia e te rima
Kare ua e mea toe :
Kua koropiniia au ;
E kite taka ke toou.
- 3 E aere au ki teiea ngai
Kia ngaro atu iakoe ;
To runga e to raro rai
Kua kapi roa, kare e toe ;
Kia rere au nei ki runga,
Kua kapi i to marama.
- 4 Kia aere au ki ade roa,
Ko au rai e ko koe katoa :
Kia rere au ki tai pae mai
O teianeia ao, e pini rai,
Naau tikai e tae ei au,
Na to rima rai au e mou.
- 5 Kia maara ki te poiri,
E nana au e tapini ;
Te poiri tangotango nei
Kia iti koe, kua peke ke,
Kare ia au nei i anau
Kua kitea taitoia au
- 6 Naau i anga iaku nei,
I to ravenga taka ke,
I raro i te va'i ngaro,
Tei tau i taau i akono ;
Ko au rai i to manako
Kare i anga teianeia ao.

7 E mea tu ke kia maara au
Te ravenga taka ke aau;
I vai ana, e teianeî rai,
To tu e vai tamou tikai,
Kare e ope kia tatau
Te tu o to aroa mou.

8 Kimi mai koe 'toku ngakau
Akaeu mai, kia kite au;
Kia kore au e aere ke,
Auraka au e vavare;
Tapapa mai, kia ora au
I taau tuatua mou.

IMENE IV. (8. 6.) Ebenezer a Nu.

Kare te Atua e atea ke.

1 Maara tatou i teianeî
To tatou nei ngakau,
Kia ope te manako nei
'Te Atua no tatou.

2 E imene i teianeî
I tona ra tu mou,
Tei kapi roa te rangi nei,
Tei kapi teianeî ao.

3 Ki ade rava i raro,
Tei reira aia nei;
Ki runga rava i te ao,
Kua kapi iaia rai.

4 Kia aere ua tatou nei,
Kia moe i te po ;
Kare ua e atea ke
Te Atua ia tatau.

5 Ei ea tatou e ngaro ei
'Te Atua no tatou ;
Kua kapi iaia te rangi nei,
Kua kapi teianeia ao.

IMENE V. (8. 6.) Hamesire.
Joane. 4. 24.

1 E Vaerua mana te Atua,
E Vaerua kaka :
E Vaerua maata, ua atu,
Kare e aiteia.

2 E Vaerua kite pu tikai,
I te au mea roarai
Tei runga e tei raro nei
Kare e ape toe.

3 Kia akamori tatou nei,
I to tatou nei Pu :
Ma te vaerua e tikai
E te tuatua mou.

4 E unuunu mou tikai,
E to matou nei Pu,
I to matou ngakau roarai,
Kia kite pu matou.

5 E unuunu mou tikai,
Ia matou katoa nei ;

Kia taka roa ia matou nei
To matou tu tikai.

IMENE VI. (8. 6.) Devize.

To te Atua akakoromaki anga.

1 Aroa maata tona nei,
To te Atua mou,
I roa ai te a'o nei,
I roto ia tatou.

2 Kare to te mea nei, e
Meitaki to tatou,
No te arua maata rai,
I roa'i te a'o.

3 Kia pera mai rai ia matou,
To matou Atua mou;
Eiaa e riri vave mai,
Ka mate aea matou.

IMENE VII. (8.) Founelinga.

No te aroa o te Atua.

1 E aroa maata teiane
To te Atua i pa mai ei,
'Tana Tamaiti moekau,
Kia ora iaia to te ao.

2 E ara maata ta tatou,
Kare e tika kia tatau;
No taua aroa maata rai
Ta tatou ara e matara'i.

3 No taua aroa maata rai
Ko Jesu nei i mate mai,
Ei akaora ia tatou
Mei roto i te kino mou,

4 Te aerenga i tae mai ei
To tatou Pu i raro nei,
Kia kitea tona aroa rai,
Kia ora tatou ravarai.

IMENE VIII. (8. 6.) Devona.

1 E aroa tona, aroa mou,
To te Atua nei,
I aroa aia ia tatou,
Te aronga ara nei.

2 T'au rā katoa e iti nei,¹
Nana i tuku mai;
Te apinga no te tino nei,
Nana i oronga mai.

3 Kua angaiia tatou nei,
E to tatou nei Pu;
Nana katoa i taoi mai,
To tatou nei kakau.

4 Nana i akakite mai,
Kia kite to te ao,
Tana Tamaiti a Jesu Christ,
Te tarangaara mou,

5 Nana oki i tonono mai,
I raro i te ianei ao,

Tana Tamaiti a Jesu Christ,
Ei ora no tatou.

IMENE IX. (8. 6.) Anburena.

No te aroa o Jesu.

- 1 Aroa maata tu ke rai
To Jesu ia tatou;
E aite kore mou tikai,
'Aroa kare e pou.
- 2 Kare takiri e mutu
I tetai tuatau;
Aroa ua to Jesu
Aroa ia tatou.
- 3 Kua tae roa tona aroa
'Te oronga 'nga mai,
Iaia rai, ei katarā
No tatou ravarai.
- 4 Kua omai 'tana tuatua,
Kia akara tatou;
Kua omai 'tona Vaeru,
Kia kite te ngakau.
- 5 Kua omai 'ona tavini,
Ei akakite mai;
Kua ope mai nga meitaki,
No tona aroa rai.

IMENE X. (8. 6.) Misionari.

No te aroa o te Torutai.

1 Aroa aite kore mou

E akaaroa tu ke ;

Tona aroa ia tatou,

To te Metua nei.

2 Aroa aite kore mou,

E akaaroa tu ke ;

Tona aroa ia tatou,

To te Tamaiti nei.

3 Aroa aite kore nei,

Te aroa ia tatou ;

Tei akakiteia mai

E te Vaerua mou.

4 Akameitaki tatou nei

To tatou Atu mou,

Ia Jehova, te Torutai

Tei aroa ia tatou.

IMENE XI. (8.) Satauro.

1 E akapaapaa tatou nei,

'T'Atua maia maata nei

No ko mai ia ia 'nake rai,

Te au meitaki ravarai.

2 E akapaapaa ia ia rai

E to te pa enua e !

E to te nuku tini rai,—

Tei noo i tona ngaitei.

3 E akapaapaa tatou nei
 I to tatou nei Metua ;
 E tana Tama okotai,,
 E te Vaerua Tapu kakaa

IMENE XII. (6. 8.) Te Pu.

1 Te Atua nui nei,
 Te Atua mana mou ;
 Nana i aroa mai,
 I aroa ia tatou,
 Kua aroa ravaia tatou,
 Kua aroaia e Jesu.

2 Te Atua karape
 Tei tangi ia tatou ;
 Tana Tamaiti nei
 Tei tae mai i te ao :
 Angairi kare i tae mai,
 Eaa te ora e rauka'i ?

3 Kia ora to te ao,
 'Te aronga kino nei ;
 I mate no tatou,
 Taua Tamaiti nei :
 Aroa tona, e mēa tu ke :
 No tatou rai i mate ei :

4 No reira i rave ei
 I to tatou nei tu,
 Kia tika kia mate,
 Ei ora no tatou ;
 Te au ara e matara'i
 Ia Jesu nei i mate mai.

IMENE XIII. (8.) Sufoka Nu.

- 1 Na te Metua i unga mai
'Tana Tamaiti moekau ;
Ko tona aerenga tikai
E akaora ia tatou,
- 2 Kua ara tatou ravarai,
Kua pini i te kino mou ;
Ko Jesu nei, kua aere mai
E akaora ia tatou,
- 3 No tona aroa ua mai
'Te aronga ara maata nei,
I akakoromaki ei
'I tona au mate tu ke.
- 4 E akapaapaa rai tatou
Iaia, 'tei aroa mai ;
'Ariki i tona aroa mou
I to tatou ngakau nei rai.

IMENE XIV. (8. 6.) Ekalesia.

- 1 Te rekareka nei matou,
E to matou nei Bu ;
No to aroa nui mou
I mareka'i matou.
- 2 No te rai o to aroa
I tonokia mai ei ;
To matou Ora te Mesia,
Ei Ora mou tikai.

3. Aua koe i aroa mai
Te aronga ara nei,
Kare rava matou e tae
Ki toou ora'i ngai.
- 4 Arca mai rai ia matou
Eiaa e tukumoe:
Kia tu matou i te ora mou,
Aua tai e ngere.

IMENE XV. (8.) Jobu.

Joane 3. 18.

- 1 Kare Jesu i aere mai
E akaapa ia tatou;
Kare i mou 'te koke ai
E ta ia tatou, 'to te ao.
- 2 Te tu o tona aroa rai,
To te Atua ia tatou,
'Tana Tamaiti okotai,
Tei omaiia, ei ora mou.
- 3 Ariki ravarai tatou
'Te ora i orongaiia mai,
E tana 'vanelia mou,
Kia ora tatou ravarai.

IMENE XVI. (8.) Sabati Nu.

- 1 E aere mai, e tama e,
E imene, e tateitei;
Tei Anga, iaia nake rai,
Te rangi, e te enua nei rai.

- 2 Kia rekareka tatou nei
I to Jehova tangi nui;
Tei akakite pu mai nei,
'Tei munaia mei ito mai,
- 3 Ravenga taka ke tikai,
Tei kimiia e ia rai;
Ko tona riri maata nei,
Kia anga iaia uaorai.
- 4 Kua anga rai te riri nei,
'To Jesu Arai anga nei;
'Maranga iaia 'nake rai,
Te riri maata nona nei.
- 5 Te 'kalesia a Jesu nei,
Kia rekareka tatou nei,
'Tei kimiia mei ito mai,
Kia tae tatou ki tona pae.
- 6 Koia ia, kia reka rai,
E imene e tateitei;
Tatou e to rangi rai
'Tei akakiteia mai nei.

IMENE XVII. (S. 6.) Vitoria.

- 1 Jehova te Atua mou
Te Atua meitaki,
Te Atua mana no te ao,
Te Pu i raro nei.
- 2 Jehova tei aroa mai,
Te aroa tumu mou,

Nona i meitaki roa'i,
T'aronga o teiane i ao.

3 Nana katoa i tono mai,
Ei ora no tatou ;
Tana Tamaiti okotai,
Tama ti moekau.

4 Koia tei oronga ia mai,
Ei oko ia tatou ;
Tei mate mai i raro nei ;
Kia ora to te ao.

5 Ta tatou ia e imene,
Te Atu no te ao :
Tana Tamaiti a Jesu Christ,
Te ora no tatou.

IMENE XVIII. (8.) Etono.

Te angaanga a te Vaerua Meitaki,

1 Kia rekareka tatou nei,
I to te Vaerua tangi nui ;
E angaanga tana rai,
Ta te Vaerua Tapu nei.

2 E angaanga maata rai,
Tei roto i te ngakau nei ;
Te ara e te kino nei
E peke iaia 'nake rai.

3 E aroa maata tona nei
I to te ao katoa nei rai ;

No reira rai e tauta ai,
Kia peke roa te kino nei.

4 I na, te ekalesia e!
T'aroa o te Vaerua e!
Aroa iti? Kare rai,
Aroa maata tona nei.

IMENE XIX. (6. 8.) Esexā.

1 Ko koe te Vaerua Mou,
Ka eke mai 'na koe;
Kia maru to matou ngakau,
Te kino kia peke.

2 Kia kitea te ara,
Kia mamae te ngakau;
Te tapeka kia matara,
Kia ora ia Jesu.

3 Ia koe e ma ai
Te ngakau kino nei;
Kia raveia e koe tikai,
Ei reira 'tu ke ei.

4 No reira uarai
I pati ei matou;
Ko koe tikai kia noo ua mai
Ki roto 'te ngakau,

IMENE XX. (8. 6.) Belevedere,

1 Vaerua Mou ka eke mai,
Te angaanga naau,

Ka rave tikai teiane
Ki roto ia matou.

2 Noou anake e tikai,
Te ngakau kino nei;
Noou te ngakau kino rai,
E akarongo ei.

3 E apii mai ia matou nei
Kia kitea pu tikai;
Te tuatua naau nei
Kia piri ua mai rai.

4 Ta mate mai i te mea ke,
Eiaa e tupu mai:
Kia tavaitai te ngakau nei.
Te tuatua tikai.

5 Vaerua Mou ka eke mai;
Ma to aroa mou:
Kia manuia te tere nei,
I tae mai ei matou.

IMENE XXI. (8. 6.) Gaberiela Nu

No te anau anga o Jesu.

1 T'au veka mano tini nei
Noea roa kotou?
Aaki mai kia kite nei,
Kia taka ia matou.

2 To kotou tere i raro nei,
Aaki mai nei rai;

Naai kotou i tonono mai,
E no te aa nei rai?

3 Aronga veka matou nei
Mei runga roa mai;
Tere aroa to matou nei
Ki to te ao roarai.

4 Tonokia nei rai matou
E to matou nei Pu;
Kia kite pu tikai kotou
Kua tae te Atua mou.

5 E tika rai e tāmā e,
Kua tae, kua tae tikai;
Tei to kotou na ngai tikai,
Emanuela rai.

6 I teia rā i anau ei
To kotou Ora Mou;
Kua anau rai a Jesu nei
To matou nei rai Pu.

7 Kia teitei roa i runga,
Te Atua mou tikai,
I to te ao, e to te po,
E to t'enua nei rai.

IMENE XXII. (6. 8.) Baradeli.

1 I na te urupu,
Angela tapu roa;
No ko roa mai 'to ratou Pu,
No ko mai 't'Atua.

2 Nana i tono mai
Ki raro i t'enua,
E akakite ua mai e
"Kua anau te Mesia."

3 Rere viviki mai,
Kua akakite rai
To Jesu anau anga mai,
Kia reka tatou nei.

4 Totoa mai ratou,
Te veka tini nei,
'To ratou uaorai peau,
Rere viviki mai.

5 Kare e roa kua tae ;
'Kapiki nui mai,
Kia teitei roa t'Ariki nui
To tatou Pu tikai"

6 Kia reka roa tatou
To raro ravarai ;
E tateitei 'to tatou Pu
No tona tangi nui.

7 Kia rekareka rai
I teia tuatau ;
'Te mea tu ke i tupu nei,
Kia ora roa matou.

IMENE XXIII. (6. 8.) Manefile.

Luka 2. 13. 14.

1 Noea te imene
I akarongoia,

'Ki ei te reva ka ua nei?
E imene manea!

2 I na, te imene
O to te rangi rai;
Kua eke mai ki o tatou nei
T'angela tini nei.

3 Kua akaue mai
Te veka tini nei;
Kia oro nui ki raro nei,
Kua oro nui rai.

4 Te akapaatu nei
'To ratou Pu teitei;
'Te mea i tonokia mai ei,
Ki t'ao i raro nei.

5 Kapiki nui ratou,
'E to te rangi e
Kia teitei roa to tatou Pu
'Te mea i tupu nei.

6 E to te enua e,
Ei ia kotou te au,
I teia rā kua anau nei
To kotou Ora mou."

7 I na te imene,
Tei rongoia nei;
Otira rai te imene
E rekareka ai.

IMENE XXIV. (8. 8. 6:) Te akapaapaa.

- 1 Eaa tera ra reo ke?
E tera rai kakā tu ke
I tae mai, mei runga?
E angela te aere mai
Ki te au tiaki mamoe,
No Beteleema.
- 2 "Ia kotou nei i tae ei au,
Eiaa kotou e matakū
I toku aerenga:
E tuatua meitaki
Taku e akakite nei,
No to te ao katoa."
- 3 "Tei Beteleema oire nei
To kotou Orā Jesu Christ,
'Nakonei 'anau ei.
Kia rekareka to te ao
I te aroa maata mou,
Tei tau 'te umere."
- 4 "Kotou to te rangi teitei,
Ko kotou rai i raro nei,
E akameitaki.
E tateitei i te Atua
I pera mai te angela,
Eiaa e tukumoe."

IMENE XXV. (8. 7. 4.) Gaberiela.

Ko Jesu te Mesia.

- 1 Teia tikai te Mesia,
Peropheta no te ao;

Tama ia na te Atua,
Koia teia ko Jesu ;
"Tae mai aia
Kia ora iaia to te ao,

2 Teia tikai te Mesia,
Ta Jehova i unga mai ;
Tere tona 'akonoia,
Tere mou i tae mai ei ;
Kia ora iaia,
Kia ora iaia tatou nei.

3 Koia teia te Mesia ,
Ta Daniela 'tata mai ;
Koia oki ta Isaia,
Nona aia i tata rai ;
Jesu aia,
Te ora aia e ora'i.

4 'Eke mai rai te Mesia
Kia ora iaia to te ao ;
'Anga iaia to te Atua
Riri maata ia tatou :
Ei tarangaara,
Koia teia koia mou.

IMENE XXVI. (8.) Hosele.

1 No te aronga ara nei
I tae mai ei ki raro nei,
To te rangi ra Pu tikai,
E to te ao katoa nei rai.

2 Te ture a Jehova nei,
'Aatiia e tatou nei,
No reira rai i tupu ei
Tona riri maata nei.

3 Te riri o te Atua e!
'Apinga maata! 'tira rai!
'Maranga iaai 'te apai?
'Anga iaai? kare rai.

4 Kia angaia te riri nei
I tae mai ei te Arai nei:
Kua anga iaia 'nake rai
I tona mate maata nei.

4 Te ture a Jehova nei
'Akonoia e ia rai;
'Ope anake iaia rai,
E ora ai tei tapu nei.

5 No te aronga ara nei
I mate ei to tatou Pu;
Koia te tusia mou tikai
I apaiia no tatou nei.

IMENE XXVII. (8. 7. 4.) Kalakuta.

1 Kare 'aite te aroa
Ta tatou e kite nei,
I to Jesu tae mai anga
Mei te rangi roa mai;
No te ora,
E te aroa i tae mai ei.

2 Maara to tatou ngakau e,
No te aa i mate ei
To tatou Atu a Jesu e?
T'Akaora maata nei!
No te kino,
E te ara i mate ei.

3 Aua i tae te Mesia
Aua i tonokia mai
E kore to tatou vaerua
E kite t'ora e ora'i
Aleluia
Ko Jesu i aere mai.

IMENE XXVIII. (7.) Hareti.

1 Teia te ora mou tikai
T'ora teia e ora'i
Kare atu no tatou
Kare ua e ora mou.

2 Ko Jesu anake rai,
Te ora ia e ora'i;
Ora maata, Ora mou,
'Ora iaia to te ao

3 Tona tere, tere mou,
Tere ia no tatou,
Tere ora i tae mai ei,
Kia ora iaia tatou nei,

4 Koia teia, koia mou,
Jesu koia no tatou;

Koia teia tei tae mai
Kia ora tatou roarai.

- 5 'Mate aia, mate mou,
Mate tikai no tatou ;
Ta tatou ara roa rai
No Jesu e matara'i.

IMENE XXIX. (8.) Avarua.

- 1 Ko Jesu Christ te Pu tikai
To tatou Ora e orai ;
Kare atu e ora mou,
Ka ora iaia to te ao.
- 2 E tere ora i tae mai ei
To tatou Pu ko Jesu nei ;
Te ora aia te ora mou,
Kare ua atu no tatou.
- 3 Te Atua tapu nui mou,
Te Atua tikai a Jesu ;
Kare atu Atua mou
Atua aia no tatou.
- 4 Tatou tei aruaia n ai.
E Jesu, mei te rangi mai ;
Aroa tona i tae mai ei,
Aroa rai i mate ei.

IMENE XXX. (6. 8.) Arataa.

- 1 Tatou ka imene
Aua e muteki

To tatou vaa nei kia ope
'Te akameitaki.

2 Kia pera te ngakau,
Kia umere tikai ;
'Te aroa maata o Jesu
Iaia : aere mai.

3 Iaia i kopae
I tona tu kakā ;
Iaia i rave ua mai ei
I te tu tangata.

4 Iaia i apai
Te mate k atoatoa ;
Maranga iaia te mamae
No tatou kia ora.

5 Aroa tu ke roa
To te Mesia nei ;
Kia va ua to te ao katoa,
Aua e tukumoe.
Paapaa i te Atu. Aleluia.

IMENE XXXI. (6. 8.) Sirelana.

1 Te toto o Jesu,
Te apinga tikai,
I ma'i te ara a tatou,
A te tangata nei.

2 Te toto o Jesu,
Te toto mou tikai,

O te korero motu ou,
E ora'i tatou nei.

3 Te toto o Jesu
E puapinga rai
'Rauka'i ia tatou nei te au
No ko mai iaia rai.

4 Te meitaki tini
E rekareka ai
Tona toto anake rai
Te oko e ruaka'i.

5 No tona toto rai,
No t'Arai maata rai,
I tomo ei tei tapu nei
Ki tona ao tikai.

6 Kia mareka tatou ;
Kia mareka tikai,
I te toto mou o Jesu
I maringi mai nei.

IMENE XXXII. (8. 6.) Leicetera.

No to Jesu Matenga.

1 Kua mate ainei toku Pu ?
Mate aia no ai ?
Noku i mate ei Jesu ;
No taku ara rai.

2 I kaku roa tona vaa
I Getesemene ;
"I pini tona vaerua
I te mamae mate."

3 Te kino tini o tatou
Te mate ravarai ;
Tei uipaia ia Jesu,
Iaia anake rai.

4 To te Atua riri rai
I t'ara a tatou ;
Nana anake i apai,
No tona aroa mou.

5 E akameitaki tatou
Ia Jesu Atu nei ;
Tei mate i te satauro
No tatou i mate ei,

IMENE XXXIII. (6. 8.) Are pure.

1 Te toto o Jesu,
Tei vavaria nei !
Rauka'i ia tatou nei te au,
'Tei akarongo nei.

2 No taua toto nei
E puapinga ai,
Ta tatou pure ravarai,
Tei taitaiâ tikai.

3 No taua toto rai
Te ara tini nei,
'Tangaro uikaia nei rai,
I ngaro poti ei.

3 Kia reka tatou nei
I taua toto nei ;

Te mea tatou e tae roa'i
Ki t'ao kakā tikai.

IMENE XXXIV. (10.) Potugala Nu.

1 Te toto o Jesu kua maringi mai
No tatou katoa i teiane i ao
Ei oko 'te ara a tatou roara,
Kia tae atu tatou ki runga i te ao.

2 Auraka ei toto kua mate tatou.
Eaa te tutaki, e tutaki na ai?
Te ara mamaata, te ara maro,
A tatou anake, a tatou tikai.

3 Kare ua atu e tutaki ke:
'Te toto o Jesu te tutaki mou,
'Te ara a tatou, 'te tangata nei;
Tira ua tutaki, e ora'i tatou.

4 Ka kimi tatou i te toto tikai,
O Jesu te Atu, 'to tatou Arai,
Auraka e ngere, ka kimi uarai,
No tatou katoa i maringi mai ei.

IMENE XXXV. (10.) Arataa Ariki.

1 Osana, osana ia Jesu Mesia,
Ei iaia te au, ei iaia orai:
No tona nei mate i oko na'i
Te tangata nona e nona tikai.

2 Osana, osana ia Jesu Mesia,
E akapaapa i te Atu tikai;

I mate ei aia no tona aroa,
No reira te ara 'matara roa'i

3 Osana, osana ia Jesu Mesia,
I tona aroa i aere mai ei :
Koia te tumu o to tatou ora,
Tona te toto i rauka mai ei.

4 Osana, osana ia Jesu Mesia
Ta tatou tikai angaanga ua rai :
To runga 'te rangi e imene ua,
To ratou osana ia Jesu tikai.

IMENE XXXVI. (8.) Mose.

1 Kia nana au 'te satauro
I mate ei a Jesu Christ ;
Taku i kite i teianei ao
E mea viivii anake rai.

2 Kia maara au 'te matenga
O Jesu te Ariki mou ;
Taku i rekareka 'na
Kua akakoreia e au.

3 Aua e reka anga ke
I roto 'toku nei ngakau ;
Te satauro o Jesu nei,
Te mea tikai e ora'i au.

4 Te meitaki o teianei ao.
Manea'i tangata nei ;
E akarukeia e au,
Kare e vaioia mai.

5 Te rima e te upoko nei,
Te vaevae e te kaokao rai,
'Na reira mai i ta'e mai ei
Te ora e te aroa rai.

9 Eaa tei tau kia apai au
Ki toku Pu, kia Jesu rai?
Eaa? ko toku nei ngakau,
Ei apinga nona uaorai.

IMENE XXXVII. (8. 7. 4.) Kalavaria.

1 Na! te reo o te aroa
Mei Kalavaria mai;
Na! te au mato kua ngângâ!
Te enua kua ngarue!
Kua oti ia,
'Perâ Jesu i mate ei.

2 Kua oti oki 'na te ora
'Rauka'i taua mate nei!
No te aronga rave ara
I okoia e Jesu nei.
Kua oti ia;
Te reo teia e reka'i.

3 Kua oti oki te au taipe,
E te ture ravenga;
'Tupu ia Jesu anake,
'Tupu 'tona matenga,
Aleluia,
Aleluia, Amene.

IMENE XXXVIII. (S.) Beromili.

Salamo 24. 7. 10.

No to Jesu tu akaou anga.

- 1 Kua tu akaou te Atu nei,
Kua kake atu ki runga ;
Kua riro roa ei akire
Tona au enemi katoa.
- 2 Kua kapiki nga karere,
"E kotou te au ngutupā,
E te au pa vaoo ngata e,
Ia Jesu nei, kia tuera.
- 3 Kia teitei kotou ravarai,
Kia o te Ariki mōu tikai;
Nona te ao mei ito mai,
I oki ei ki reira rai.
- 4 Koai taua Ariki nei?,
Te Atua teia i autu.
Tua Ariki kakā nei?
Koia rai ia ko Jesu.
- 5 Koai taua Ariki nei?
Te Atua mana katoatoa
Kare atu ariki ke,
T'au ngai roara e pini roa.

IMENE XXXIX. (6, 8.), Ava ou.

1 Kua tu akaou Jesu
Kua tae 'te po toru,
Kua autu takiri
I tona enemy,
Kua matakū nga tiaki
Kua tu a tangata mate.

2 Te au angela rai
Tei uipa tikai,
Ei tavini nona
Ei rave i tana,
I rere viviki mai rai
Mei runga i te rangi mai.

3 Kua oki ki runga
Ma te rekareka.
Ei akakite rai
Ki to ratou tikai,
Ko Jesu teia tei mate
Kua oki mai kua oki mai.

4 Ko tatou nei ka aa?
Ka muteki aina?
Ia tatou i ora
I ta tatou ara?
No Jesu rai i autu ei
To tatou enemy i re.

5 E umere parua
Tatou katoa nei,
I to tatou Atua
Iaia i autu ei,

Te mate iaia nei kua re,
Ka pera 'tona iti nei.

IMENE XL. (6. 8.) Bu Na.

1 Toku vaerua ka tu,
Eiaa e taitaia ;
Akara ia Jesu,
Ko taau ia tusia :
Tei mua aia 'te terono,
Ko toku rai ia kauono.

2 Te ora nei aia
Ei Tika ia noku ;
No tona aroa,
E tona nei toto,
I maringi no to te ao
I runga i te satauro.

3 Nga puta e rima
No Kalavaria,
Ko toku ia tika
E toku manuia,
I ma ai taku ara nei.
Toku kino i kore ei.

IMENE XLI. (7.) Egelona.

Ko Jesu te Punanga ketaketa.

1 Toku Akapuanga e,
Uuna koe iaku nei ;
Na te vai e te toto,
No roto i to kaokao

E tamâ iaku nei
Toku kino kia ope.

2 Kare na toku rima
I rauka'i toku ora,
Kare no te maroiroi
Kare no toku aue,
'Koe te ora e ora'i
Te ara nei e matara'i.

3 Kare ua iaku nei
To satauro anake.
Oa no tei putaua,
Naau ratou e aroa ;
Viivii tikai toku nei,
Naau au nei e orei.

4 'Toku noonga i kunei,
I te râ e mate ei,
I te râ openga rai,
'Ka te ao nei i te ai,
Toku Akapuanga e,
Uuna koe iaku nei.

IMENE XLII. (8.6.) Furamana.

Ruta 2. 8.

1 Karanga mai a Jesu e,
Eiaa e aere ke ;
Topiri tika mai nei rai,
Ki toku ua nei pae.

2 E koi aere i te kai,
Kia maata atu rai ;
E aere mai e kaikai mai
Kia pangia te kaki.

3 Ka angai au ia kotou nei
Ki taku orai kai ;
E kai meitaki maata rai,
Na tei kaki tikai.

4 Vene reka roa te kai
I taua kainga nei,
E aere mai, ka tongi rai,
Kia kitea pu tikai.

IMENE XLIII: (8.6.) Paradeiso.

Ingoa meitaki to Jesu.

1 E ingoa meitaki maata toou,
E toku Atu e,
E paapaa au e kia rongo
Te ao katoa nei.

2 E meitaki iaku nei
I to te ao nei rai;
T' auro anake ma te poe,
E mea vüvii tikai.

3 Kare e meitaki toe
I to ingoa nei ;
Toku nei marama tikai,
E kare e oa ke.

4 Ka mou ia 'toku nei ngakau
Ei meitaki nona ;
Me maki teia te vairakau.
Ko toou ingoa.

5 Taku ia e paapaa, e
Mutu toku nei ao ;
Ko toku taonga rima rai
Kia aere ki to ao.

IMENE XLIV. (6. 8.) Reubena.

1 Ko au te vine mou
Kotou te rara nei,
Taku Metua te tanu kai
E ua meitaki ei.

2 Tei piri iaku nei,
Ka ua uaorai ;
Ta ratou nei e ua mai
E ua tau tikai.

3 Kua tanumia ratou
E te Metua nei,
I roto i te kainga mou ;
Te mea e ua ai.

4 Kua piri pu tatou
Ki teia vine nei ?
E unuunu mou tatou,
Kia kite pu tikai.

5 Kia ruperupe rai
Tei tanumia nei :

Ka reka roa te tanu kai
Eia ua maata rai.

IMENE XLV. (8.) Timoteo.

- 1 Teia te arataa tikai;
Kia na reira tatou roarai:
Te ngutupa o iti roa,
E uapou tatou katoa.
- 2 Te aronga taito ravarai,
Tei akarongo mou tikai;
To ratou rai ia ara mou
I tae ei ratou ki te ao.
- 3 Kia aere rai a tatou nei,
Auraka roa ei ara ke;
Ko Jesu tei kapiki mai
"Ko au te arataa tikai".
- 4 E aere roarai tatou
Na runga rai 'te ara mou,
Tei na reira, ka tae 'te ao
Tei aere ke, ka tae 'te po,

IMENE XLVI. (8.) Camedena.

- 1 Jesu te arataa tikai
Te ara ia e ora'i,
Te ara tikai no tatou
Kua akakiteia mai
E tana tuatua tikai
Kare atu e ara meu.

2 Kare ra to taito ke
 I kite 'teia ara nei,
 E ara kino to ratou ;
 E mea mamae te aerenga,
 E kino rai te openga,
 T' ara e tae ei ki te po.

3 Ko tatou tei nanave nei
 I teia arataa tu ke,
 I tae ei tatou ki te ao :
 Tauturu mai, e Jesu e,
 Kia kore roa e aere ke,
 Kia tae matou ki toou nao.

IMENE XLVII. (8.) Derebi.

Mataio. 12. 20.

1 Te kakao paruparu nei
 Kare a Jesu e aati ;
 Te ai e kore e ka tikai.
 Kare rava aia e pi.

2 Kare te ao e kopaeia,
 Tei taitaia tona ngakau ;
 Me pure k' akarongoia,
 Ka vave t' ora o ratou.

3 Me kimi rai te aronga ou
 Ka rekaia mai ratou ;
 Ka tiakia e Jesu,
 Te meitaki kia tupu mou.

4 Te ngakau akaaka nei
 E tupae tika mai aia;
 Nana ratou e tatenei
 Ki tona rai basileia.

5 Ko ratou rai i matakū
 I ta ratou ara tikai;
 Ka vave tona tauturu,
 Ka autu ratou ravarai.

IMENE XLVIII. (8.) Anetiga.

Te poe meitaki. Mataio. 13. 45, 46.

1 E inangaro maata nei
 To Jesu iti ravarai,
 Kia rauka pu tikai te poe ;-
 Te poe meitaki maata rai.

2 Ko Jesu rai te poe tikai
 I akakiteia mainei ;-
 E maata maata te kaka !
 E iti rava to te rà.

3 Kia ma ia koe, 'Jehova e,
 To matou ngakau kino nei,
 Ei āriki manea tikai,
 I teia poe meitaki nei.

4 E rave koe i te āpinga ke
 I roto i te ngakau nei ;
 Kia ki anake uaorai
 Ki teia poe meitaki nei.

5 Kia ope roa 'ta tatou rai
 I t' akaruke e tikai ;
 Kia tu tatou ki teia poe,
 Te mea e rekareka ai.

6 E rekareka maata rai
 To Jesu pipi ravarai ;
 Kia rekaia i raro nei,
 Ka tangai oki 'muri nei.

IMENE XLIX. (8.) Maretini Lane.

1 Petero 2. 5, 6.

1 Kua tamouia e Jehova
 Te toka pu i Siona :
 Te 'kalesia kua akatu
 Ki runga i taua toka pu.

2 E are pakari tikai
 Tei raveia e Jesu Christ ;
 Kare i rauka i to te po
 'Ta ratou i akakoro.

3 Kua kitea taua toka nei,
 E mea mori, mea takere ;
 Ka mano uritia tikai
 Te toka nei, te vai nei rai.

4 Tei runga 'taua toka nei
 Ta tatou e irinaki,
 Me tatipoki teiane ai ao
 Kare tatou e matakū.

IMENE L. (8. 6.) Waruika.

Mataio. 16. 18.

- 1 T e akapaapaa nei matou
la koe, e Jesu e!
Ko koe tikai te papa mou
O te 'kalesia nei.
- 2 Te papa mou ko koe nei rai;
Te papa okotai;
Te papa mei taito mai,
Tei vavaria nei.
- 3 E toka ora 'nake rai
Tei patuia nei;
Kua ikiia e Jesu rai
No taua papa nei.
- 4 Kare e rauka 'to te po
T' au toka ora nei;
Kua tamouia ki rungao
I taua papa nei.
- 5 Tei patuia ki rungao.
Kare e taka ke;
Na Jesu rai i akamou
Te mea e mou tikai.
- 6 Kia akapaatu roa ia
Te papa mou tikai;
E to te 'kalesia katoa,
Aua e tukumoe.

IMENE LI. (8.) Magadelene.

Ko Jesu tei tau kia akapaapaaia.

- 1 Te tuatua reka e !
Te ingoa tapu o Jesu nei !
E ara 'taku vaerua e,
E akapaapaa iaia rai.
- 2 Koia tei tau kia paapaa,
E to te pa enua katoa,
Tei eke mai ki raro nei,
Ei tusia mou no tatou nei.
- 3 Nona 'nake i rauka ai,
Te au meitaki tini nei ;
Te ora mou, te ngakau ou,
Te ora vaerua e te au.
- 4 No Jesu rai i tae mai ei
Te Vaerua o te Atua nei,
I ma'i te ngakau viivii nei,
I peke ei te kino rai.
- 5 No Jesu rai i turu ei
Tei irinaki iaia rai ;
Nona i riro ei te re
I autu ei ia Satani.
- 6 E ara 'taku vaerua e,
Ko Jesu rai e tateitei,
Tei mate, e te ora nei
Ei Tika i te ngai teitei.

IMENE LII. (S. 6.) Vitoria Nu.

No te sabati i e popongi.

- 1 Te putuputu nei matou
I t'akirata nei,
E tateitei i t'Atu mou
I t'Atu tapu nei.
- 2 E anoano maata roa
To matou ravarai,
E aere mai ki Ziona
Ki to ngai tapu rai.
- 3 E mea rekareka naau,
Kia kimi ia koe rai
Te au tamariki aau,
I t'akirata nei.
- 4 Tei kimiia e matou nei,
Ko toou mata rai;
Kia ki to matou nei ngakau,
Ki to kakā tikai.
- 5 Kia rauka pu tika nei rai
Ia matou ravarai,
Taua meitaki maata nei
Ka rekareka ai.

IMENE LIII. (6. 8.) Witibi.

- 1 Vaerua Tapu e,
Ka eke ua mai;

E aravei ia matou nei
Tei kimi rai ia koe.

2 I t'akirata nei
O teia sabati
Matou tei putuputu nei,
E tateitei ia koe.

3 To matou tere nei
E pati i te kai;
Kia tu matou katoa nei,
Kia matutu nei rai.

IMENE LIV. (6. 8.) Keraneberoka.

No te sabati.

1 Kua tae te sabati
Kua tae, kua tae tikai;
Te ra e rekareka ai
To Jesu iti nei.

2 Kua uia tikai
T' aronga tapu nei,
Ki to Jehova are nei,
Te ngai e reka ai,

3 E reka maata roa,
To ratou ravarai,
E tateitei ratou katoa
T' Atua maata nei.

4 To tatou Atua mou
Te eke ua mai nei,

Kia kite pu to tatou tu
Tei putuputu nei.

5 Meitaki tini nei
Tei tona rima rai;
Kia tu ratou tei ngere nei,
Tei kaki nui tikai.

6 Te tua ua nei rai
T' Ariki maata nei,
Ki tana tamariki nei,
Tei tau meitaki rai.

7 E akapaatu nei
To tatou Pu tikai;
Tei aravei ia tatou nei
I teia sabati.

IMENE LV. (6.8.) Lonedale.

1 Te râ sabati nei
E râ manea tikai,
Te râ i eke mai nei ra
Te Atua maata nei.

2 Te râ e tangi ei,
Te pu meitaki nei:
Te 'vanelia te pu tikai
E navenave ei.

3 E aere mai tatou,
Ki t' are tapu nei,
E tateitei 'to tatou Pu
Ia Jesu Christ tikai.

4 E aere mai nei rai
Aua e taitaia,
Te ngai tikai, ko teia rai
Te puna vai mapia.

5 Kia inu tatou nei
I teia râ tikai,
'Te vai mapia, pupu nei
Kia rekareka rai.

IMENE LVI. (8.) Punanga.

1 E ra meitaki teianeï,
Kua kitea akaou maineï ;
Ei pure anga i te Atu mou ;
Ei rongo anga na tatou.

2 Te tuatua meitaki nei.
Kia kitea e te ngakau :
Auraka e ngaro akoneï
Te evanelia a Iesu.

3 Ei anoano tika mou,
Kia tapu piri te ngakau,
Te vanelia meitaki nei
E akakiteia mai.

4 Kia kite pu matou katoa
Te vanelia meitaki nei ;
Te matenga o Jesu Christ,
E no matou i mate ei.

5 Kia ora matou ravarai
'Te toto mou o Jesu Christ ;

Auraka e ngere tetai nei
 'Te ora nui i taoiia mai.

IMENE LVII. (8.) Hoseli.

1 Mareka rava. 'atura au
 I ta ratou i na ko mai,
 "E taki aere rai tatou
 Ki to Jehova nao tikai."

2 E ngai meitaki teiane
 Ko Jesu kia aere mai,
 E matutu te apike,
 Te matapo e puera'i.

3 Kiku nei e aravei ei
 Te tangata ma te Atu
 E puera rai kiku nei
 Te mata tikai o Jesu.

4 Ngai tapu rava ikuâ
 No Jesu tikai teia nao,
 No tatou nei kia riro roa
 'Ngutupa tikai no te ao.

IMENE LVIII. (8. 6.) Ziona.

1 Kua rekareka roa au
 Ratou i na ko mai,
 Ka akono roarai tatou
 I teia râ tikai.

2 Te arataa e tae ei au
 Ma te 'kalesia,

E meitaki rava naku
Te nao o te Atua.

3 Te aerenga e aere ei
E mea meitaki rai,
E tapapa ma te bure
Ki te Atua tikai.

4 Ei au to teia ngai tapu
Ei rekareka rai,
Kia akaki roa ia tatou
Tei patuputu mai.

5 Ka pure au no Ziona
Koi vai nei toku ao,
No tatou teia nooanga
No Jesu teia nao.

IMENE LIX. (8. 6) Paieti.

1 Ka ariu mai e Jesu e,
Akara ia matou ;
E tere to matou ia koe,
Te Atua ora mou.

2 E tere kimi to matou
Ia koe e Jesu e ;
Kia ki to matou nei ngakau
I t' ora maata nei.

3 Ei kite ora ta matou
I kimi ua mainei :

Kia rauka pu te kite mou
I teianeī Sabati.

4 E tere pure to matou
Ia koe e Jesu e ;
Kia pure tikai te ngakau
I teianeī Sabati.

5 I na to matou tere mou
Ia koe e Jesu e ;
Kia reka to matou ngakau
'Te ra meitaki nei.

IMENE LX. (8.6.) Tabenakuli.

1 Kua rauka tikai ia tatou
Te râ meitaki nei,
No tona aroa nui mou
I omaiia mai ei.

2 Naringa i okoia mai ei
Ta tatou ara rai ;
Ko teia ra meitaki nei
Kare i kitea mai.

3 Kua mate roa tetai pae,
Kua ngaro ke ratou ;
Kare ratou i kite mai
Tei rauka ia tatou.

4 To matou Pu e Jesu e,
Ka eke ua mai.
Ki rotopu ia matou nei
I teianeī ra tikai.

- 5 Eiaa matou e kai moumou
Te tuatua tikai ;
Kia mou ki roto i te ngakau
O matou roarai.

IMENE LXI. (6.8.) Mekameka.

- 1 Kua aere akaou mai
Tatou katoa nei,
E akamori rai
Te Atua maata nei ;
Te tere ia i tae mai ei,
Adora iaia, e tateitei.

- 2 E pati ua tatou
Kia orongaia mai,
Te anoano mou,
'Te tuatua tikai,
Ei reira mou e tupu ei
To tatou tere i tae mai ei.

- 3 Auraka ta tatou
'Te pure pikikaa ;
Ei pure anga mou
Ta tatou pure nei ;
Kia akarongo nei tatou,
Kia akarongo ia Jesu.

IMENE LXII. (8.) Denemareka.

Salamo. 100.

- 1 Ki mua tikai 'tona nco'nga
To te Atua kia tupou,
Kia kite kotou ia Jehova,
Koia rai te Atua mou.

- 2 Nana uaorai tatou nei
I anga ei tangata mou ;
E ia tatou i aere ke
Kua kimi maira ia tatou.
- 3 E nona tikai tatou nei,
Te kopapa, e te ngakau ;
E tameitaki iaia rai,
Tatou katoa i teiane ai ao.
- 4 Mei te reo meitaki rai.
Aere tatou ki tona nao ;
Tona ingoa e tateitei,
Adora iaia e to te ao.
- 5 Au mutu kore toou au,
Toou aroa nui mou ;
To tuatua e vai mai rai,
Me kore rava teiane ai ao.

IMENE LXIII. (6.8) Kaoneila.

- 1 Taki aere tatou
Ki to Siona ngai,
Kia kite tatou 'ta Jesu
E akakite mai.
- 2 Te tangi ua mai nei
To te Metua ngakau,
Ki tana tamariki rai
Kia meitaki ratou.
- 3 Te nooanga aroa
Ko tana ia i noo

E tuturi tatou katoa
Ki tona terono.

4 E kimi ia Jesu
Ki tona ngai tikai,
Ki tona pae vaevae tupou
Kia rekaia mai.

5 Tatou ka imene,
E akameitaki
Ia Jesu tei aroa mai
'T' aronga ara nei.

IMENE LXIV. (7. 8.) Reubena.

Salamo. 95.

1 Tatou ka imene
I to tatou Atu,
Ta tatou ia e taeitei
'Tei Anga ia tatou.

2 'T' apinga tini nei
Koia rava te Pu,
Nona t'enua ma te tai
Koia rai te Atu.

3 Tatou e tupou ua
E tuturi atu;
Ki mua i to tatou Atua,
'Tei Anga i tatou.

4 I teia rā tikai
Ka akarongo ei,

'Tei akakiteia mai
E tona reo nei.

5 Eiaa e toi atu
Eiaa e lavare,
Ka riri aea te Atu,
Ka vave te mate.

IMENE LXV (7. 8.) Karaneberoka.

1 Jehova ta tatou
E tameitaki nei;
Tona ingoa mana mou,
'Tatou e imene.

2 Teia te Pu tikai,
Te Atua no tatou;
Tei takinga meitaki mai,
Ia tatou to te ao.

3 T'aronga Atua,
Kare rai i naani;
I te rangi ma te enua,
E kore takiri.

4 Kareka Jehova,
Te apinga tibi,
Te rangi ma te enua,
Nana rai i maani.

5 Jehova ta tatou
E akamori nei,
Te Pu tikai to tatou Pu,
Kare e mea ke.

IMENE LXVI. (8. 6.) Gaberiela.
(Nu.)

- 1 Te Atua mana nui mou,
Te Atua no matou :
Te pa enua e te tai,
Ko koe te Atua mou.
- 2 Te au angela ravarai,
E to t' enua nei :
Te Atua 'koe ko koe ora'i,
Kare e Atua ke.
- 3 Te Atua koe no matou nei,
Ta matou e tupou :
Eiaa ra koe e taka ke,
'To matou nei ngakau.
- 4 Ka akamori rai matou,
Ia koe te Atua mou;
Auraka te au idolo,
E pikikaa ratou.

IMENE LXVII. (8. 6.) Paieti.

- 1 E aere rekareka mai,
Kia rotai te ngakau :
E pure 'te Atua tikai,
E ora ai tatou.
- 2 I noo poiri tatou nei
I teia pa enua ;
Kia iti mai te râ tikai,
Kua marama pu ua.

3 Kua takinga meitaki mai,
Te Atua tatou,
Tona Vaerua tapu tikai,
Kua o mai no tatou.

4 Kia âriki tatou roarai,
I to tatou ngakau,
I ta te Vaerua Meitaki,
Kia meitaki tatou.

IMENE LXVIII. (6. 8.) Sirelana:

Te koke a te Vaerua.

1 E te au toa e,
Teia te koke nei,
Te tuatua a Jesu nei,
Te koke mou tikai.

2 E koke koi tikai,
E matarua rai,
Tei puta i te koke nei,
Kua inga tika rai.

3 E manganui tei tu,
I taua koke nei,
Kua aue ua nei rai ratou,
'To ratou nei mamae.

4 Ei reira ratou nei,
I kaku nui ei,
E Jesu e, ka tangi mai !
Kua puta matou nei.

5 No tona tangi nui,
I oro ua mai ei,
Te vairakau tei taoi mai,
Ko tona toto rai.

6 To Jesu toto e!
Apinga tika rai!
Te mea e maru vave ei,
Te ngakau puta nei.

IMENE LXIX. (8.7.7) Sepao.

Te meitaki o te tuatua na te Atua.

1 Taonga maata tu ke rava,
Ta Jehova Buka nei,
Taonga meitaki, 'tira ua,
Te kai tikai, kai tu ke.
Koia toku matuu,
Nana au e tamaru.

2 Koke ia a te Vaerua,
Maata tona kokoi,
'To te koke matarua,
Maata tona maroro'i,
Te tatou toa e toa'i,
Te ora ia e ora'i.

3 Kai tikai ia no te rangi,
Ta Jesu i tuku mai,
Na tei mate i te pongi
'Kai rai teia e ora'i,
Angai mai ia matou nei,
Aua tetahi e ngere.

4 Kare to te ao e kaki,
 'Ta tatou e kaki nei,
 Aua rai e akapaki,
 I te kai i teiane, i,
 Akakite ua mai,
 kia merengo 'teia kai.

5 Iti toku akarongo,
 Mamae i ta satani,
 Nana au nei e tauturu,
 'Eke ei te enemi,
 Nana rai i autu ei,
 Nana i meitaki ei.

IMENE LXX. (8. 6.) Iubile.

1 Kia akatangia
 Te bu meitaki nei,
 Kia kitea roaia
 Te vanelia nei :
 Te mataiti Iubile,
 Te ora no te akire.

2 E tutu aere rai
 Te ruatau tikai,
 O to te Atu nei
 kia tupu vave mai ;
 Te mataiti.—

3 Ka akateitei ua
 'Te ora no tat u,
 Ia Jesu Atu nei
 Kia vave tona au.
 Te mataiti—

- 4 Kia akarongoia
Te vanelia nei,
Kia kitea vaveia
Te tuatau tikai ;
Te mataiti—
Aleluia Aleluia—
Teitei to Jesu Amene.

IMENE LXXI. (8. 6.) Waruika.

Salamo 89. 15, 16.

- 1 Meitaki maata to ratou,
Tei kite pu tikai,
'Te tangi anga o te pu,
I tangiia nei.

- 2 Te 'vanelia a Jesu nei,
Ko taua pu nei rai ;
Te tuatua reka nei,
I tutuia rai.

- 3 Aaere tika nei ratou,
'To Jesu nei kakâ ;
Ka rekareka nei ratou,
I tona rai ingoa.

- 4 I te tuatua tika nei,
A to ratou rai Bu ;
I akatikaia mai ei,
E, e ora'i ratou.

- 5 E kapo tikai tatou nei,
'Te vanelia mou,

Ka tae aea tatou roarai,
Ki raro i te po.

IMENE LXXII. (8. 6.) Maunga mata
(ora.

Salamo. 19.

1 E reo to nga rangi nei,
Kua akakite mai :
'Kaka maata e te tu ke,
To te Atua rai.

2 Te ao, te po, te apii nei,
Kia kitea tona tu,
E kare ua e ngai toe,
'To ratou aruru.

3 Te vai nei to te râ kaka,
Kua pini te ao nei ;
Tei raveia e te Atua,
Kare i aere ke.

4 Teia ra te meitaki roa
Ko taau ture nei,
Tei akaariu 'te vaerua,
E kare ua e ê.

5 E marama rai te ngakau,
O te kamakura ;
I taau akakite mou,
Ka tu ia e rimua.

IMENE LXXIII. (8. 6.) Devize.

Salamo. 19.

- 1 E anoano maata ia,
I to te auro nei;
E venevene reka ia,
I to te meli nei.
- 2 Na te ture i apii mai
I to au tavini:
Tei reira tei te mou tikai,
T'openga meitaki.
- 3 Koai oki tei kite mou
I tana ara rai?
Orei mai koe kia ma roa au,
I t' ara roarai.
- 4 Kia kore rava te marô
E kaurunga ua mai:
Te kino nei kia moraro,
Ei reira e reka'i.
- 5 Te tuatua a toku vaa,
E tika ia mai ei;
Toku ngakau nei kia ma,
'To Jesu toto nei.

IMENE LXXIV. (8. 6.) Vitoria Nu

- 1 E ao tikai to tatou nei,
Tatou i kite ei:
Te au maru o Jesu nei,
I nco me tak. ei.

2 Kua ope o tatou metua,
 'Te mea i mate ei,
 Kare i kite i te Atua,
 Tei kitea nei.

3 Ko tatou 'teiane tuatau
 Tei kite pu tikai,
 Ia Jesu nei te ora mou,
 Te ora e ora'i.

4 Kua ki'e pu tikai tatou,
 'Tei aroaia mai,
 E rauka'i teiane tuatau
 Te ora e ora'i.

5 Nga hino taito katoatoa
 E akaruke rai,
 Kia mou piri ta ou katoa
 Te ora e ora'i.

IMENE LXXV. (S.) Timoti.

Salamo 146.

1 E paapaa au ia Jehova,
 Koi vai ake toku ora
 Kia reka toku nei ngakau,
 Piao e rae ravea,
 Auraka rai e tivata
 E mutu rava toku ao.

2 Auraka tei te tangata,
 Toku irinaki anga,
 Kare ona e matutu,

Ka mutu vave tona ao,
 Ka kore tona manako,
 Ka ngaro oki tona tu.

3 E ao ra to tei iri pu,
 Iaia te ora no ratou,
 Te Pu o tatou ravarai,
 To runga e to raro nei,
 Te moana ma te one,
 Koia anake te Pu tikai.

4 Nana te ao e tauturu,
 Koia to ratou matutu
 Tei takinga kinoia,
 Ratou tana 'akaora,
 E nana rai e tatara
 Ia ratou tei tapekaia.

5 Tei tapu tana e reka'i
 Tei matapo e kite rai,
 I tona aroa tu ke roa,
 Takinga meitaki tona,
 Ia tatou nei to tei ara,
 E to te ao nei katoatoa.

IMENE LXXVII. (8.6.) Koronatio

E iki ia Jesu.

1 I te ingoa o Jesu nei,
 To runga kia tupou,
 Te korona e apai mai,
 E iki ia Jesu.

- 2 Ko kotou ravaravarai,
To Iseraela tu,
Tei akaoraia mai,
E iki ia Jesu.
- 3 Kotou te au etene,
Eiaa e poina pu,
E aere 'tona pae vaevae,
E iki ia Jesu.
- 4 Nga kiato, nga kopu rai,
E ope rava atu,
O atu te kakā tikai,
E iki ia Jesu.
- 5 Kia ope rava to runga,
E rave rai tatou
Kia uipaia katoatoa,
E iki ia Jesu.

IMENE LXXVII. (8. 6.) Samoa.

- 1 Kua kite au ia Jesu nei,
Ko toku Atua mou:
Kare aia e kopae mai,
Kia aere atu au.
- 2 Ingoa meitaki tona nei,
To Jesu Atua mou;
Mareka roa te ngakau nei,
Kia maara atu au.
- 3 Kia tupu mai te taitaia
I toku kino mou ;

Kia maara tona ingoa nei,
Kua papa te ngakau.

4 Kia rokoia te mate nei,
Ko toku turu rai;
Ko Jesu mou te noo ua mai,
Vaitata i toku pae.

IMENE LXXVIII. (8.6.) Miala.

1 E mataara toku nei,
'Te ingoa o Jesu nei;
Te mea nei rai i tupu ei,
Te rekareka nei.

2 Kotou tei taitaia tikai,
I t' ara tini nei,
Maara i tona ingoa nei,
Kia rekareka rai.

3 Kare ua e ingoa ke,
'Kitea i raro nei,
E papa ai te ngakau nei,
Ko tona 'nake rai.

4 Kia maara tika rai t' ingoa,
O t' Ariki nui nei,
Kua peke roa te taitaia.
Nona i peke ei.

5 Kia rokoia rai tatou nei,
'Te mate tika nei.
Iaia te mea e rekareka,
'Te ingoa o Jesu nei.

IMENE LXXIX. (8.) Jobu.

- 1 Aronga tuikaa tatou,
I muatangana akenei,
Ko satani to tatou Pu,
Tei makoia e tatou nei.
- 2 I na, kua autu ratou nei,
Tei rakeiia e Jesu rai;
Tei irinaki iaia nei,
Kare e mou te enemi.
- 3 E irinaki rai tatou
Ia Jesu i te Atu mou;
Auraka roa kia taka ke,
Ka vi aea ia satani
- 4 Tei piri mai ia Jesu nei,
Kare rava ratou e vi,
No tona riri nui tikai,
I ora ai te akiree.

IMENE LXXX. (6. 8.) Manea.

- 1 Ko ai te kaki vai,
Ka aere mai i ku nei;
Teia te puna vai tikai,
To Jesu toto nei.
- 2 E vai mapia mou,
Tei mei te rangi mai:
Kia inu to tatou ngakau,
Ka ora ravarai.

3 Te aronga kaki vai,
Ka aere ua mai,
Ka rave ua te vai mapia,
Aua e oko mai.

4 Ka tiki ua mai,
Aua e taitaia;
Na kotou na tei kaki vai,
Te puna vai mapia.

5 Te aronga kaki nei,
Teia te vai tikai:
To Jesu toto meitaki,
Tira ua te vai.

IMENE LXXXI. (8.) Osueseteri.

1 Te vanelia meitaki nei,
Te tuatua ia Jesu,
Iaia nei i eke mai,
I rave ei to tatou tu.

2 Nana i akakite mai,
Kia kite atu to te ao,
I tana 'vanelia tikai,
I tonokia mai kia tatou.

3 Na te ture e kitea'i,
Te ara tini a tatou,
'Te au ara e mate ei,
Kua ki rava ia te ngakau.

4 E tuatua manea tikai,
Ta Jesu 'vanelia nei,

Te mea teia e ora'i,
'Te katara a te ture.

IMENE LXXXII. (8.) Moana,

- 1 E tau iaai kia imene,
'To ratou pu meitaki nei ;
Kia kore e tau ia tatou nei,
Tei aroaia e Jesu Christ.
- 2 Kua kopaeia e to te ao,
Kua kopaeia te Ora mou,
Kua kimi ratou ravarai,
Te mea ratou e mate ei.
- 3 Aua aia i akara mai.
To tatou mate i raro nei ;
E aroa maira ia tatou,
Te aronga ara i teianeia ao.
- 4 E aua aia i riro mai,
Ei tangata i raro nei ;
E mate atura no tatou,
Kia rauka mai te ora mou.
- 5 Angairi kare, ko tatou nei,
Kua tae 'te po, kua tae tikai,
Ko ai te ora ia tatou ?
Kua ara anake to te ao.
- 9 No reira tatou ravarai
E tameitaki iaia rai,
E imene e, e tateitei
'To tatou Pu ia Jesu Christ.

IMENE LXXXIII. (12.) Joridana.

- 1 Kua na ko t'aroa, 'Oro ki te maunga,
 Kua eeu te vai no ta Adamu anaunga;
 No te ara kia ma e te kino roarai,
 Ko te toto o Jesu te mea e ma ai
 Aleluia ia Jesu 'tei omai 'te ora;
 Paapaa akaou me na raro Joridana
- 2 Ko te ora mou teia, e te vai tu ke rava,
 E te oko kua maata ia Jesu Mesia,
 Mei te maunga te ara i te maata tikai,
 E ngaro takiri ia Jesu nei rai.
 Aleluia—
 Kia akameitaki, kia paapaa uarai,
 Ko Jesu t' Ariki te ka autu tikai:
 Ka aati te ua o te diabolou,
 Te kino ka eke, ka akamoraro.
 Aleluia—

IMENE LXXXIV. (10. 11.) Sire a
 Miriama.

2 Mose 15.

- 1 E rutu te pau i to Aiphihi tai!
 Kua autu Jehova, tona iti i ora'i
 Kua ingā Pharaou, kua topa ki raro;
 Te toa ma t' ipo, kua kore, kua pou,
 Te ngakau parau oki, Teiea? kua ngaro,
 I te mana Atua kua mate ratou,
 E rutu te pau i to Aiphihi tai!
 Kua autu Jehova tona iti i ora'i!

- 2 Paapaa t' Ariki i autu ei tatou
Kua autu tikai i to rima katau!
Koai te oki ki to ratou ora'i
E akakite e kua mate tikai.
Kua na roto koe 'te pou tumurangi!
'Te nuku Aiphiti kua ngaro i te tai!
E rutu te pau i to Aiphiti tai!
Kua autu Jehova tona iti i ora'i!

IMENE LXXXV. (8. 6.) Sufoka.

Mataio. 7. 24. 27.

- 1 E are to nga tangata
E tokorua nei,
Kua akatu roarai raua
I to raua are.
- 2 To tei pakari kua mou
I runga 'te papa ;
E to tei kore 'akono
I runga 't' one ua.
- 3 E tu manea anake rai
'Te rangi marie,
To raua are ravarai,
Kare e ngaueue.
- 4 Kia tae ra 'te râ matangi,
Ma te ua maata,
Ka mou rai to tei pakari,
To tetai ra ka ngaa.

5 Ka pera to tei akono
 'Ta Jesu i apii,
Kua mou tona akarongo
 Ki tona Ariki.

6 Kareka ko te kore nei
 E akono tikai,
Ka rokoia e te mate,
 Ka tae viviki mai.

IMENE LXXXVI. (6.8.) Mekameka.

Mataio 13. 3. 8.

1 Te ua me ruru
 I teia are nei,
Naau e tauturu,
 Eiaa e topa ke ;
Kia riro to matou ngakau
Ei âriki meitaki mou.

2 To ai tei aiteia
 Ki te pae arataa ?
 'Te one paikea ?
 Te tataramoa ?
To ai te ngakau kino nei
Tei tau ki te ngangaere ?

3 To ai tei arite
 Ia tatou ravarai ?
 I t'one meitaki
 Tei ua mou tikai ?
Tona rai to tei akono
I tana i akarongo.

IMENE LXXXVII. (6. 8.) Te Pu.

1 Tei ruruia nei
 E tamou tika mai
 Eiaa e riro ke
 Te tuatua tikai,
 Ei one ngarungaruâ
 To tatou ngakau katoatoa.

2 E Jesu Atu mou
 E akatupu mai,
 Ki roto 'te ngakau
 O matou ravarai,
 Te vanelia mou tikai
 Kia ruperupe ua rai.

IMENE LXXXVIII. 10.11. Hanovera.

Mataio. 13. 47 ; 48.

1 Kua tuku ki raro te kupenga nei,
 Ta Jesu i pera ki t'au karere,
 Kua ei mai te ika kua pini tikai :
 Tai pae e meitaki e kino tai pae.

2 Kia tae te tuatau e kika mai ei,
 Te kupenga nei ki runga 'te pae
 E iri marie kia taka tikai :
 Te ika meitaki, e tei kino rai.

3 Ko e memeitaki e tuku roarai,
 Ki roto 't'ariki manea tikai,
 Te ika kikino e piri ua mai,
 E titiri ke ia ia ratou roarai.

- 4 Kia matakite ko te riro tatou
 Ei ika kikino i to Jesu au
 Kia riro roarai ei ika meitaki,
 Kia tae roarai ki runga 'te rangi.

IMENE LXXXIX. (6. 8.) Ava Ou.

- 1 Nga paretenia
 E ara mai kotou,
 Ta kotou lamepa
 Akonokono mou,
 Teia mainei te tane ou
 Kua karangaia mai kotou.

- 2 Te aronga pakari
 Tei karangaia mai,
 Tei rauka te mori,
 Kia ka ta kotou ai :
 E aru roarai kotou
 Ia Jesu i te tane ou.

- 3 Te au neneva nei
 Eaa ua kotou ;
 Kia rokoia mai.
 Kia tae te tane ou :
 Ka mate ta kotou mori,
 Tei taori ua te ariki.

- 4 E kimi ua tatou
 'Te mori ka tikai ;
 I teia tuatau
 E kimi e rauka'i ;
 E kimi tatou roarai
 Ia Jesu i te Pu tikai.

IMENE XC.

(8.) Uaine.

Te tu o te pure..

- 1 Kia pure atu tatou nei,
E kare te ngakau e tae ;
Ko te vaa ua tei pure,
Kare e aeia mai.
- 2 Te ngakau tana i nana mai,
'Te anoano anga nei,
Kare e rekaia mai,
Kia kore te ngakau e tae.
- 3 Kare aia e maara mai,
E pure tikai ta tatou ;
Kia akono ua ki to vao,
'Kare e mako te ngakau.
- 4 Kia akapaapaa tatou nei,
Kia pure, e kia imene ;
E maara tikai teia e,
Te ngakau tana 'nana mai,

IMENE XCI.

(6.8.)

Esera.

- 1 E te Atua e,
Aroa ua mai,
Kia pure matou kia koe,
E akarongo mai.

- 2 E te Atua mou,
Kua kite pu rai koe,

Te pure mou a te ngakau,
E ta te vaa ua nei.

3 E te Atua mou,
Kia pure matou nei,
Oronga mai 'te Vaerua noou,
Ei akakite mai.

IMENE XCII. (8.6.) Arabia.

No te ngakau ou.

1 Angairi toku ngakau nei,
Ei ngakau ou tikai,
Ei ngakau tamāia mai ei,
I te ara ravarai.

2 Ei ngakau maru, taitaia,
Ei noonga no Jesu,
Ei ariki 'te tuatua,
A Jesu 'tona Pu.

3 Ei ngakau paruparu rai,
Ei kino kore ua,
Ei rekareka meitaki,
Kia tau ki te Atua.

4 Tauturu ua mai rai koe,
E toku Atu mou,
Ko taku rai e pati nei,
O mai 'te ngakau ou.

IMENE XCIII. (8.6.) Sereneti.

No Jesu anake te ngakau e tikai.

1 Ka rave koe i toku ngakau,
Ei noo'nga tikai noou,
Kia raveia koe e au,
Ei Pu tikai noku.

2 Kia oti meitaki tikai,
Taau e rave nei,
Toku ngakau kia tavatai,
Aua e aere ke.

3 Kia akarongo tikai au,
Ki toou reo ua,
Kia ki tikai toku ngakau,
'Te ki o te Atua.

4 Kia aroa au i etai ke,
Kia aite ia Jesu,
Te kino tini katoa nei,
Auraka kia tupu.

IMENE XCIV. Aberige.

*To te tangata paieti ra aue anga no te
ara e vai nei.*

1 E tei kimi matatio nei
'To matou ngakau e!
E ununu mou tikai,
Eiaa e tukumoe.

2 'Mea rikarika na matou
Te ara tini nei;
Te inangaro nei matou
Kia peke ravarai.

3 Feka matou? te tupu nei
Kua tupu uarai:
Te mea matou i aue ei,
Te taitaiā nei rai:

4 'Tumatetenga roa matou
Kua akaanata;
Te umuumu nei matou
'Te enemi kia ta.

5 Kare e pou ia matou nei,
Kua paruparu rai,
Aue, aue, te kino nei!
Aea e peke ei?

6 E Jesu e, e turu mai,
E tavaitata mai,
Kia pou ia koe te ara nei,
Auraka tai e toe.

IMENE XCV. (8.6.) Devize.

E oaki anga ara.

1 E ara maata ta matou,
Ki mua ia koe nei,
Kua viivii to m: tou ngakau,
I t' ara tu keke.

2 Te riri e te ngakau parau,
 Te manako kino,
 T' au mea tika kore mou
 O te inangaro.

3 Kua opu to matou rima,
 Kua tuatua te vaa,
 'Te kino tini katoatoa,
 Kare e aiteia.

4 Auraka matou e uuna,
 Kua kite oki koe.
 To roto e to vao katoa,
 Kare e ape toe.

5 Aroa mai koe ia matou,
 'T' aronga ara nei,
 E tama mai koe 'te ngakau,
 O matou ravarai.

IMENE XCVI. (8.6.) Iti.

No te meitaki kia tupu.

1 Aea e Jesu Atu e
 E rauka pu mai ei?
 Te ngakau akaki roaia
 Te tuatua tikai.

2 Aea e ngaro ke 'tu ei
 Te au mea kino nei?
 Aea e rai roa mai ei
 Te mea meitaki nei?

- 3 Tauturu mai e Jesu e,
 Auraka e vaoo mai :
 Ka akavi te kino nei,
 Kia pou te enemi.
- 4 Ei ngakau rekareka mou,
 Ei ngakau ki tikai,
 'Te tuatua meitaki nei,
 Aua e mea ke.

IMENE XCVII. (8.6.) Bedefodi.

*Te pure o te tangata ara kia aroaia
 mai.*

- 1 Varavara te au etu,
 Iti te onetea,
 Te ara nei kua rai atu,
 Kare e aiteia.
- 2 Ko teia ra tei tu ke roa,
 Iti te ara nei,
 Te aroa mou o te Atua,
 'Jesu i tae mai ei.
- 3 Te pati atu nei matou,
 Kia aroaia mai ;
 'Te au kino o te ngakau,
 Kia kore ravarai.
- 4 'Tira ta matou e kimi,
 Ko to aroa mou,
 'Tira ta matou e pati,
 Aroa ia matou.

IMENE XCVIII. (6. 8.) Baradeli.

1 Poiri to matou,
Te aronga kino nei;
Kamakura anake rai,
Te pa enua nei,

2 Engakau kino mou,
Tei roto ia tatou;
Kua varevare to te ao,
E tei te matapo.

3 E doula anake rai
Te aronga 'teianeī ao,
Kua riro roa a Satani
Ei atu no ratou.

4 Akara arua mai.
E to matou Atu;
Noou ua te meitaki,
I kitea 'teianeī ao.

5 Omai te Vaerua mou
Ki roto i te ngakau;
Kia akaouia i teianeī ao,
Kia ora roa matou.

IMENE XCIX. (8. 6.) Zadoka.

1 Engakau ara uarai
Tei roto ia tatou;
E pūkū anake rai.
Kua ki i te kino mou.

- 2 Te au apinga tini nei
Ka akarongo rai,
Te reo o te Atua nei
'To ratou Pu tikai.
- 3 Te râ te noo ra i runga nei
'Te ngai akonoia ;
Te apinga tini ravarai
Kua rongō te Atua.
- 4 To tatou ngakau toka nei,
Apinga kino mou ;
Kua akarongo ngata rai,
'Te Atua no tatou.
- 5 Tamaru mai e Jesu e,
Te ngakau toka nei,
Kia tavaitai kia koe rai,
Kia ma te kino nei.

IMENE C. (6.4.) Beremoni.

- 1 Jehova Jesu mou,
Omai rai no matou
I te anei ao,
Te ora e ora'i,
Kia riro a Jesu Christ,
No t' aronga ara nei,
Ei ora mou.
- 2 Kia riro matou nei,
Ei aronga tau tikai,
Ki tocu ra ngai ;

No Jesu i pati ei,
Kia orongaia mai,
'Te meitaki tikai,
Kia maata rai.

- 3 Kia kite to te ao,
Te ora nui mou.
Ia Jesu Christ :
Kia riro ravarai,
Ei aronga ou tikai ;
Kia tae anake rai,
Ki te Atua nei.

IMENE CI. (S.) Kina.

- 1 I toou arataa tikai,
Arataki iaku nei,
Naau au 'tapapa mai,
Kia kore au e aere ke.
- 2 Kia tata mai to Vaerua,
Te ture 'toku nei ngakau,
Kia kore au e pikikaa,
Kia akono tamou rai au.
- 3 Akaariu ke 'toku mata,
I te kino tini roarai,
Kia riro au ei tangata,
Akarongo tika tikai.
- 4 Kia tika toku takainga,
Kia tika ta toku ngakau,
Kia tae ki to Jesu kainga,
Ki tona ngutuare mou.

IMENE CII. (8.6.) Amiti.

1 Kia rauka pu ia tatou nei,
Te ngakau ou tikai,
Te ngakau ma 'te ara nei,
E piri ua mai rai.

2 Ei ngakau moraro tikai,
Ei akarongo mou,
Ei ngakau piri iaia nei,
I arua ia tatou.

3 Ei ngakau akamaara rai,
Ia Jesu te Atua,
E tona orai toto nei,
Maringi no tatou.

4 Ei ngakau kia ki tikai,
I tona arua mou,
Tona anake uaorai,
Tei mate no tatou.

IMENE CIII. (6. 8.) Maunga o Ephe-
(raima)

Salamo 4. 4.

1 Te riri me tupu
Auraka e ara,
Te ngakau kia akaeatu,
Kia kore e apa.

2 Ei tusia tikai
Ta kotou e apa,

E iri rai kia Jehova,
'To kotou Pu tikai.

3 E rai te na ko mai
'Ta ratou i kimi,
Naai i akakite mai
I tetai meitaki.

4 Teia ra ta matou
E pati ua rai,
Kia itia to matou ngakau,
E to mata tikai.

5 Kua oronga mai koe
I roto ia matou,
Te rekareka mou tikai,
E kore e mutu.

6 Kia moe rai matou,
Kare e matakū,
Teia rai te ora naau,
Tei to matou ngakau.

IMENE CIV. (6. 8.) Sirelana

Te pure matkia ara te ara.

1 E taku Atu e,
E toku Pu tikai,
Kite mai koe iaku nei,
E akaora mai.

2 Kua kite tikai koe,
I taku ara nui,

E viivii maata toku nei,
Kare e meitaki.

3 Noou te meitaki
Noou anake rai,
No Jesu taau Tamaiti,
'Aroa ua mai.

4 Ko Jesu te Ora,
Tei mate 'teianei ao,
Kua akasatauroia,
Ei tarangaara mou.

5 Eiaa e riri mai,
I taku ara nui,
Tera te oko e rava'i
To Jesu toto nei.

6 Oronga ua mai
I to aroa mou,
Kia ora au ia Jesu Christ,
Taau Tamaiti mou.

IMENE CV. (8.) Teruro.

No te ngakau ou kia rauka.

1 E to matou Metua e,
Tameitaki ia matou nei,
Kia riro roarai matou,
Ei aronga akaanau ou.

2 Te ngakau kino o matou,
Kua ki roa i te kino mou,

Kua rave rai te rimā nei,
Te vaevae rai kua aere ke.

3 E Jesu 'akatu ke koe,
'To matou ngakau kino nei.
Kia akono tikai matou,
I taau tuatua mou

4 Kia aere rekareka rai,
I te mataara mou tikai,
Kia reka i te Vaerua Mou,
Ko matou i anau akaou.

IMENE CVI. (8. 6.) Evani.

Jobu 42. 5. 6.

1 Kua kiteia koe e au,
Te kite taringa,
Kare ra toku nei ngakau,
I akono ana.

2 Kua kite ra i teiane, i,
Ko toku nei ngakau,
Tei apii ua ia mai,
E te Vaerua Mou.

3 Viivii toku kare e tau,
Kia nana ia mai,
Ko koe i kiteia e au,
E to marama rai.

4 E akakite ua mai rai,
Kia akaaka au,
Kia tataraara tikai,
Kia pou te ngakau parau.

IMENE CVII. (6. 8.) Pekeama.

1 Aue te kino nei !
Tei to tatou ngakau ;
Aue te rauka ngata e,
'Te au meitaki mou.

2 Aue te kino nei ;
'Te vai ua anga mai,
Aue te mate ngata e,
O taua kino rai.

3 Aue te kino nei !
Te keta ua mai rai,
Kia riro rai te ngakau nei,
Nona anake rai.

4 E Jesu Atu e,
Tauturu ua mai,
Te kino o te ngakau nei,
E akakore mai.

5 Toku inangaro,
Kia pou te kino nei,
Kia ki roa toku nei ngakau,
'Te meitaki tikai,

IMENE CVIII. (8. 7.) Ebeneza.

1 Jesu tumu o te ora,
Apui mai 'te imene,
Kua kite au i to aroa,
'Koe i mate mai 'ku nei.

Apiti mai 'te reo ora,
Imeneia e to runga,
Kia kapiti toku adora,
Ki t' aronga angela.

2 Toku teia Ebeneza,
'Koe i arataki mai,
Rai oki to akaora,
'Kore ei i mate ei,
Kua kimiia au e Jesu,
'Toku aere ke anga,
Kua akaora mai iaku,
I tona orai matenga.

3 'Na! te rai o to aroa.
I te au ra katoa nei:
Kia riro ia ei tapeka,
'Toku ngakau koka nei.
Manganui rai te kino,
Maata toku titima,
Toku ngakau nei kia riro,
I to orai Vaerua.

IMENE CIX. (8. 6.) Mitimiti.

1 No te ara i mate ei,
Te tangata katoa,
No te ara i tupu ei,
Te kino katoatoa.

2 No te ara i mate ei,
Te tangata katoa;
Kua pera rai mei ito mai,
Te uki katoatoa.

- 3 Kua pera rai i tei nei,
Te mate aere nei;
Kia kite to te ao roarai,
No t' ara i mate ei.
- 4 No reira rai i mate ei,
To tatou Atu nei;
No t' ara tini ravarai,
A tona iti nei.
- 5 Aue, Aue, te ara e,
E mea kino rai;
E mea viivii—kopae tikai,
'Kopae takiri rai.
- 6 Kia teitei roa a Jesu nei,
Tei mate ua mai nei,
Kia ma tikai te ngakau nei,
O tona iti rai.

IMENE CX. (8. 7. 4.)—Marinera.

- 1 Jehova e, k' arataki,
Mei te tuitarere au,
Mana toou, 'au tei ngere,
Na to rima au e mou,
I te mōna.
Kia merengo tikai au.
- 2 Eeu 'te puna vai mapia,
T' ora tei pupui mai,
Ko au kia aratakiia,
E to marama tikai,
Toku Ora,
Eiaa koe e aere ke.

- 3 Kia na raro i Joridana,
 Eiaa au e taitaia,
 Ko koe Jesu kia vaitata,
 Tupae 'toku vaerua,
 Kia rauka,
 Kia rauka a Kanaana.

IMENE CXI. (8.) Peru.

Salamo, 4.

- 1 Jehova akarongo mai,
 Kia pure tika atu au,
 E ora au ia koe rai,
 Omai na to aroa mou.
- 2 Kia aa kotou 'muteki ei,
 Kotou e te au tangata?
 Ta kotou ia e ruri ke,
 I taku tikai e paapaa.
- 3 E puapinga kore ua,
 Tei maara ia e kotou,
 E riro ia ei taeke ua,
 O taku tikai te ka mou.
- 4 K kite tika mai kotou,
 I te Jehova i iki,
 Te nga akarongo mou
 Ko ta ia e tiaki.

IMENE CXII. (S. 6.) Iberenia

E pure no te tangata maki,

Salamo, 6.

1 Aua e akamura mai,
Ma to riri nui,
Aua rai koe e papa mai,
I to rima riri.

2 E aroa ua maira koe,
Te paruka nei au,
Akaora i toku nei mamae,
Ka mate aea au.

3 Toku ngakau kua taitaia,
Kia vave maira koe,
Kia ora toku vaerua,
I toku nei aue.

4 Kare roa atu tei mate,
E paapaa ia koe,
Kare tei aere ki ade,
Ia koe e tateitei.

IMENE CXIII. (S. 6.) Ferome.

Salamo, 6.

1 Jehova ka al^{ngo} mai,
I taku tu^{nei} mamae,
Auraka to^{na} ia.
Kia ak

- 2 E akarongo ua mai,
I taku kapiki,
E pure au ia koe rai,
E taku ariki.
- 3 E kite mai koe toku reo,
I te popongi roa,
Ka aere au ki toou nao.
Ki to ngai tapu roa.
- 4 Kare rai koe e mareka,
'T' aronga ara nei,
Tei kino tana ravenga,
Naau e apai ke,
- 5 Kare e mou te neneva,
Ki mua ia koe nei,
Ka pou te aronga pikikaa,
I to riri tu ke.

IMENE CXIV. (S. 6.) Vitoria Nu.

Salamo, 5. 2.

- 1 No te aroa maata noou,
Ka aere atu au,
Ki toou are manea mcu.
Ki toou nao tapu.
- 2 Naau au e arataki,
I taau ra tuatua,
Ki mua i toku enemi.
Kia tika oru ua.

3 E pikikaa to ratou vaa,
E kino to roto,
E mea viivii, e pikikaa,
To ratou arero.

4 E aronga ara ratou naau,
E to matou Atua
E inga ravarai ratou,
E akaruke ua.

5 Tei irinaki ia koe,
E rekareka ia,
E paapaa kare 'tukumoe,
Ratou i tiakia.

6 Tei inangaro i te Atua,
Eiaa ei reka ke,
Ko koia rai te paruru,
E koia anake.

IMENE CXV. (8.6.) Setaotona.

Salamo 3.

1 Kua rai toku au enemi,
E maro ua mai,
Toku ngakau ma Satani,
E taku ara rai.

2 Kua akapera mai ratou,
Kare ona ora,
Kua taka ke te Atua mou,
Kare i vaitata.

3 Jehova toku paruru,
Ko toku ia kakâ,
Nana au e tauturu,
I tona arua.

4 Te kapiki nei toku reo,
Ki toku Atu rai,
Nana au e akarongo.
I tona ngai tikai.

IMENE CXVI. (8. 6.) Ebenezer-
(Nu.

Salamo, 3.

1 Kua akavai au ki raro,
Kua moe ma te ora,
Kua tu rai kare e kino,
Nana i akaora.

2 Kare rai au e matakū
I ta te tangata,
E tausani atu ratou,
Kare au e rauka.

3 Ka tu ra koe e Jehova,
E akaora mai,
Kia ta ra koe i te tanga
O toku enemi.

4 No ko mai rai te ora nei,
No ko ia Jehova,
Te vai mou rai te meitaki,
No toou ra tangata.

IMENE CXVII (8.) Nupoa.

Mareko 8. 38.

1 K' akama ainei tatou nei
Iaia i mate no tatou?
Teia te akama tikai
Tatou kare 'akono mou.

2 E akama vei ara nei
I te tarangaara mou?
Eaa atu e matara'i
Te ara maata a tatou?

3 E akama rai tatou nei
Ia Jesu nei te Atu mou?
I na! tona mamae tu ke,
Tana i kite no tatou?

4 Angairi kare tatou nei
E aronga ara maata roa,
Ka akama ia Jesu nei
E tana tuatua katoa,

5 Teia taku e pati nei
Ia koe e toku Akaora,
Kia piri au ki toou pae
Auraka koe e akama.

IMENE CXVIII. (7.) Otama.

Ko Jesu te akapuangu i te uriia.

1 Jesu toku Pu tikai
Kia rere au ki to pae,

I te kare maata nei,
E te uriia rai.
Uuna koe iaku nei
Te ngaru kia torue,
Jesu e ka rave mai
Iaku nei ki toou pae.

2 Kare oku punanga,
Mari ra ko koe tikai,
I te tumatetenga,
Jesu e ka tupae mai,
Kua iri rai au kia koe,
'Koe rai toku tauturu,
Tapoki iaku nei,
Tamaru i to peau,

3 Noku tikai a Jesu?
'Kore ei au e ngere,
Me inga naau e akatu,
Ka ora rai au me mate,
Tika rai to ravenga,
Tika kore toku tu,
'Ki rai au i te ara,
Koe anake tei tapu.

4 Tei ia koe te aroa rai,
'Ngaroei te ara nei,
Tei ia koe te vai tikai,
Naau au nei e orei,
Koe te Puna vai ora,
Omai noku tetai vai,
Puipui ua te vai mapia,
'Toku ngakau pupui mai.

IMENE CXIX. (8.) Sufoka Nu.

Salamo, 1.

- 1 E ao rai to te tangata,
Tei kore e tau te aerenga,
Ki to te paieti kore,
Tei aere na te ara ke.
- 2 Kare ra aia i takai,
I te mataara kino rai,
A te rave ara mou,
E mea tau kore ta ratou.
- 3 Te aronga taitoito.
Kare rava aia e noo,
I to ratou ra noo anga,
Tei kino mou te ravenga.
- 4 E rakau tanumia tikai,
Ki runga i te pae kauvai
Tei ua i tona tuatau
Kare e mate tona rau.
- 5 Tei rave i te meitaki,
Koia taua rakau nei,
Ko tana ravenga tikai,
E manuia anake rai.

IMENE CXX. (8.) Beromili.

Salamo 1.

- 1 Kare te aronga ara nei,
E meitaki ; ka puen ke,

I te riri o te Atua,
E peke ke ratou katoa.

2 Kia tae to ratou tuatau,
E ava ai, kare e mou;
Kia uipa tei tau tikai,
Kare ratou e piri mai,

3 Te aronga tuatua mou,
Ko ta Jehova ia e tau,
Te rave ara katoatoa,
E kino ia, e mate roa.

IMENE CXXI. (8. 6.) Ekalesia.

Na te tamariki.

1 E metua mou to tatou nei.
Jehova te ingoa;
E tangi i te tamariki,
To ratou ia metua.

2 E tiaki mai rai ia ratou,
'To ratou ou anga;
Ka noo aia i rotopu,
'Ta ratou pure nga.

3 Kua tangi maira a Jesu,
Ki te tamariki;
Kua pera aia kia ratou,
I tana kapiki.

4 'E tuku mai rai ia ratou,
Kia aere ua mai;

Eiaa e akamura 'tu
E tukuua mai rai"

5 "Kua rai taku tamariki,
Mei ia ratou nei rai :
Tei raro nei tai papaki,
Tei runga ra te rai."

IMENE CXXII. (7. 6.) Osana.

1 Ia Jesu t' ora i omai
Kia tae ki Ziona ;
Te tamariki roa rai,
Kua aka-Osana.
Kare aia i riri,
'Taua aerenga ra ;
Ia ratou i kapiki
I ta ratou Osana.
Osana ia Jesu tikai.

2 Te tangi mai nei aia
I te tamariki nei ;
E aroa mai rai ia,
Mei tona ngai teitei.
Kia uipa anake
Tatou kiaia rai
Osana e kapiki
I to tatou Pu tikai,
Osana ia Jesu tikai.

3 Kia kore tatou e paapaa
I to tatou Atu mou ;
Ka imene te au toka,
Ka akama tatou

Eiaa te vaa anake
Ta tatou e o atu ;
Ko te ngakau ra kia ope
I te kave kia Jesu.
Osana ia Jesu tikai.

IMENE CXXIII. (7.6.6.) Rekareka.

- 1 Ao mamae tei raro nei,
'Tatou nei ka taka ke,
Te vai ra tetai ao,
Rekareka tatou
Rekareka rava,
Rekareka tatou,
Kare 'taka ke akaou.
- 2 Tei tau tikai ia Jesu
Ka aere ratou ki te ao
Ma te au sanito
Rekareka &c.—
- 3 Te au tamariki rai,
Tei pure ia Jesu Christ,
E tae anake rai
Rekareka &c.—
- 4 Nga apii pupu roarai,
Tei akono mou tikaⁱ,
Ma t' Orometua rai,
Rekareka &c.—
- 5 Aue te rekareka e !
Kia aravei ia Jesu e,

Ki tona ngai tikai,
Rekareka &c.—

6 Ei reira e imene,
T' imene mutu kore;
Ia Jesu Atu nei,
Rekareka tatou &c.—

IMENE CXXIV. (6. 8.) Sirelana.

1 Te vai ra tei te ao,
Te noo anga tu ke;
T' aronga akarongo mou,
No ratou anake.

2 Te vai ra tei te po,
Te ai mamae tu ke:
To satani noo anga mou,
E tona anake.

3 E ora ainei au,
I taku ara rai?
E tae ainei au ki te ao,
Te noo anga tikai?

4 E pure atu au,
Kia arcaia mai
E Jesu Christ; ie ora mou,
Te ora e ora'i.

IMENE CXXV. (8.6.) Mitimiti.

1 Akara kotou i te ro,
Te manu riki nei.

Tei akaputu i tana kai,
E vaoo meitaki ei.

2 E aronga maroiroi mou
T' au manu riki roa,
E angaanga ta ratou,
'Te au rà katoatoa.

3 Pera ta te tamariki,
Mei ta te manu nei,
Akaputu i te kite,
Kia ki te ngakau nei.

'Vaerua to te tamariki,
Eaa e akatau,
Na te ro kotou e apii,
Kia maroiroi mou.

IMENE CXXVI. (S.) Magadlene.

1 Eaa au e tavare ei?
I kore ei i mako ei,
Ka mae vave te tiare,
Ka vave rai toku mate.

2 Kia maro toku nei ngakau
Kia moumou toku tuatau,
Ka rauka akaou ainei,
Te ora i kopae ia nei?

3 Kia tupu tona riri mou,
Iaku nei i ekoko,
E kare e tangi akaou,
Ka riro rai au ki te po.

- 4 Eaa ra te puapinga,
 I toku tataaraa anga,
 Tei ope toku tuatau,
 Tei pou rai i te kaimoumou.

IMENE CXXVII. (8.6.) Lidia.

- 1 E akara 'nga meitaki,
 Tei tataia nei,
 No tetai au tamariki,
 Tei akono tikai.
- 2 Ko Jesu t' Ariki tikai,
 O to te ao katoa,
 Tei akarongo ua mai,
 I ta tona metua.
- 3 Ko Samuela rai oki,
 Tei akono tikai,
 Kua pera rai a Timoti,
 'Tamaiti kite rai.
- 4 Auraka au e tavare,
 'Te aru ia ratou,
 Auraka teia râ ua nei,
 E pou 'te kaimcumou.

IMENE CXXVIII. (6.8.) Arataa.

- 1 E akapaapaa au,
 Ia koe e Jehova,
 Ko au i apii ia mai ei,
 I toku ou anga.

2 Ko au i kite ei,
I toku tu tikai,
E tuikaa na Satani,
E rave ara rai.

3 Ko au i kite ei,
I toku tu kino,
E oro tikai kia ai,
E ora'i i te po?

4 Na taau Buka nei,
E toku Pu tikai,
Tei akakite ua mai,
'Te ora e ora'i.

5 Nana i kite ei,
I ta toku Atu,
I rave ei no tatou nei,
Kia ora ua tatou.

IMENE CXXIX. (6.8.) Te Pu.

1 Naai a Davida,
I akapakari,
I mate Golia,
Te toa o Philiti,
Kare nga taoonga ravarai,
Mari e mea toka vai.

2 I ungaia rai,
E te Atua mou,
E nona i toa'i,
Te enemi i pou,

Te vai rai taua Atua nei,
No reira tona 'autu ei.

3 Naai i akaunga,
Ia Gideona rai,
E pu te taoonga,
E e mea kapu ai,
'Te mana o to ratou Pu,
I mate rai te urupu.

4 E ia Josua rai,
'Ungara atu ei,
E taua Atua rai,
Nona i autu ei,
Te au patu o Jeriko,
I inga 'nake ki raro.

5 Ka pera ua rai,
T' aronga enemi,
O to te Atua pae,
Ka mate viviki,
Ko ratou ua te ka autu,
Tei piri tikai kia Jesu.

IMENE CXXX. (8.) Founclinga.

No te akamotutu.

1 Akamaroiroi tatou,
Kare e roa i teiane ai ao,
Ka mate ia tatou nei rai;
Kare e roa i raro nei.

- 2 Akamaroiroi tatou,
Kia kite pu ia Jesu Christ ;
Te tuatua kia tupu mou
Ki roto i to tatou ngakau.
- 3 Akamaroiroi tatou,
Kia riro tatou no te ao ;
Kia rauka roa te ora mou,
Te kino tini nei kia pou.
- 4 Akamaroiroi tatou nei,
Kia eke roa te enemī ;
Aua tana e.tupu mai ;
Kia riro roa ia Jesu Christ.
- 5 E akono tatou roarai
I te au râ e toe nei ;
Kare ua e kitea nei
To tatou râ e mate ei.

IMENE CXXXI. (8.) Derebi.

No te bapetizo

- 1 Ka kake ei to tatou Pu.
Ki tona ngai kakâ ukaī,
Nana i iku mai tatou.
Kia bapetizora nei.
- 2 Te pingapingareka nei
To tatou Pu ko Jesu Christ,
Kia mako tika tatou nei
Mei tana i ikuiku mai.

3 E mako rai e tāmā e,
 Te reo iku tapu nei
 Te mea viivii—'kopae tikai,
 Te ngakau mā e tavaitai.

4 Ta kotou ara ravarai,
 'Aaki mai kia Jesu nei
 'Aaki mai—'kopae tikai,
 Kia ma i tona toto nei.

5 Tei aere mai ki teia ngai
 Kia baptizoia nei,
 'Tama mai koe, e Jesu e,
 'Io ratou nei ngakau viivii.

6 Ta ratou tamariki rai,
 Ta ratou nei i apai mai
 Ka rave koe, e Jesu e,
 Nga tamariki naau rai.

IMENE CXXXII. (8.) Beruika.

No te baptizo anga tamariki

1 E te Atua mou tikai
 Tauturu mai ia matou nei,
 Naau e akatika mai,
 I teia tamariki nei
 'Tei baptizoia nei
 Kia baptizoia e koe.

2 Kia rauka tikai ia ratou
 Noko mai rai ia koe tikai

To Vaerua Meitaki mou
Kia riro ratou noou rai
Te kino i anau ei ratou
Kia peke 'to ratou ngakau.

3 Te vai i pipiia nei
I runga tikai ia ratou,
Akairo e kua viivii e,
E tu kino to ratou tu,
Tei rauka 'to ratou metua
Kia peke i to Vaerua.

4 Kia riro tikaia r-tou
Tei baptizoia nei,
Ei tamariki rave naau
Auraka roa e riro ke,
To tu e omai no ratou
Ka noo koe 'to ratou ngakau.

IMENE CXXXIII (6. 8.) Witibi.

No te baptizo anga tangata metua.

1 Kua baptizoia
To matou kōpapa,
Kia riro no Jesu Mesia
To matou Vaerua.

2 Auraka roa matou
E oki ki muri,
Eiaa e ara akaou
E kopae takiri.

3 Tei raveia nei
E matou roa rai,
Kia riroia ei meitaki
Ei tuatua tikai.

4 Kia mou tikai matou
E mate atu ei,
E muri k'aere kia Jesu
Ka noo mou atu ei.

IMENE CXXXIV. (8.6.) Vitoria Nu.

Na te Ekalesia.

1 E ao tikai to ratou rai,
Te noo nei ma te au;
Mea inangaro maata rai.
Na t' ekalesia mou,

2 E rekareka tona nei,
To tatou Pu tikai;
Kia mate roa te kino nei,
Kia ngaropoti rai.

3 E tama e, kia maroiroi;
E pure rai tatou,
Kia kore roa e tupu nei,
Te ua kava ngu.

4 Te riri, e te maro nei,
Te tauetono rai;
Te ngakau parau;—te vareae,
Nga ua kava rai.

- 5 Eiaa kia tupu akaou,
Te karo, e te ta ;
Ka riri mai aea te Pu,
Ka aere ke aea.
- 6 Kia tupu rai tei tau tikai,
Kia maata atu rai ;
Kia reka roa te Atua nei,
Kia noo tamou nei rai.

IMENE CXXXV. (6. 8) Eseka.

- 1 E toa anake rai,
To Jesu iti nei ;
Kia rakeia e tikai,
No te tamaki nei.
- 2 ,Tei rakei tikaia,
E Jesu uaorai ;
Auraka roa e taitaia,
Teia t' Ariki nui.
- 3 Kua aere ua mai nei.
T' Ariki tapu nui ;
E tupae mai ia ratou nei,
Tei piri iaia rai,
- 4 E te au toa e !
Aua e taitaiâ !
Te vai ua nei, no kotou rai,
Te korona kaka.
- 5 Ta Jesu e omai,
No tci autu tikai ;

Ka tu tei kaumaiti nei,
Kare rai e ngere.

6 Kia rauka ia tatou,
Taua korona nei,
E maara tika nei tatou,
No Jesu e rauka'i.

IMENE CXXXVI. (8.) Osuesiteri.

1 E aere mai, e tamâ e,
Akara rai 'tei tupu nei:
Te toa maata teia rai
No runga i te rangi mai.

2 E toa uri tumu rai,
Ko Jesu te Ariki nui.
'Ravenga tini tana nei,
Kia vi tikai te enemi.

3 Tamaki maata teia nei,
Ko Jesu e ko Satani;
Kua putuputu to te po—
'Matakitaki to te ao.

4 I na! kua eke Satani!
E riri iti tona rai;
Ko Jesu rā—kua autu nei,
Kua riro iaia rai te re.

5 No tona orai riri nui
I inga ai te enemi;

I na! kua paruparu nei,
T'upoko o te ophi nei.

- 6 Kia rekareka nei tatou,
Kua auta roa to tatou Pu.
E to t' enua—ka maeva nei,
E to te ao—ka pera rai.

IMENE CXXXVII .(8.) Ra meitaki.

- 1 Tei rotopu ia tatou nei
To tatou Atu mou ainei?
'Meitaki roa k'ia noo tamou
Ki roto i te koro mou.

- 2 Kia noo tamou to tatou Pu
I o tona iti tapu nei,
Ka kitea pu tikai te tu,
O tana 'vanelia nei,

- 3 E aere mai e Jesu e,
I rotopu ia matou nei,
Kia ki matou i toou ki,
Kia rekareka matou nei.

- 4 Ka pera rai te Atu nei;
Kare e kopae ua mai,
Ka noo i rotopu nei rai,
I tana i iki ua mai nei.

- 5 E tateitei tatou roarai,
'To tatou Pu meitaki nei;
Tatou i tukuia mai rai,
I tona ngutuare nei.

- 6 Kia tae tatou ki tona ngai,
Tera te mea e reka ai,
Ka noo uaorai ki tona pae,
E tuatau ua atu rai.

IMENE CXXXVIII. (8.) Eva.

- 1 Te 'kalesia a Jesu nei,
I uipa i teia ngai;
Kua taka ke anake rai
I muatangana akenei.
- 2 I koka aere ua rai,
To Jesu iti ravarai,
Kua ke ratou—kua ekai rai
I muatangana akenei.
- 3 E kino roa to tatou tu,
Kua kite rai to tatou Pu;
Kua tangi mai ia tatou nei
I muatangana akenei.
- 4 'Ravenga taka ke tikai,
I kimia e Jesu rai;
Nana i akakite mai,
Kia rekareka tatou nei.

IMENE CXXXIX. (10.11.) Hanovera.

- 1 Tei mua ia tatou te akairo aroa,
Ta Jesu te Atu i oronga mai,
Kia kore e ngaro ia ta ou karoa,
Tona ra aroa, i vaoo ia mai ei.

2 Akara tatou i t' akairo meitaki,
'Ma te ngakau maru e maara 'tu ei,
Akairo no Jesu 'tei mate takiri,
No ta tatou ara i mate mai ei.

3 E rave tatou i te areto nei,
Ka akamaara'i i ta Jesu iku
Ki tana au pipi, ka nako mai ei.
"E pera kotou ei maara nga iaku."

4 "Ka inu rai kotou i te wina nei,
Ka akamaara'i 'te tae anga mai,
O toku nei toto, te toto meitaki,
Te ka riringiia no kotou tikai."

5 E meitaki teia akairo aroa,
Ei akatupu 'te manako tikai
Ia Jesu te Atua to tatou Atua,
Tei tangi mai nei ia tatou roara.

IMENE CXL. (8.6.) Amiti.

1 Te 'kalesia i runga
Ma to tei raro nei,
Kua kapiti ratou katoa,
I te Mesia nei.

2 E kopu okotai ratou,
Ko Jesu rai te Pu;
Taka ke ua rai ratou,
Kua piri ia Jesu.

3 E nuku okotai ratou,
No to ratou Atua;

Kua aere 'tai pae ki te ao
Kua autu roa ratou.

- 4 Ei na mua koe ia matou nei,
E to matou Atu,
Kia aru matou ia koe,
Kia autu rai matou.

IMENE CXLI. (8.) Kina.

- 1 Koai tatou e tāmā e,
Kia tae tatou ki teia ngai?
Kia tukuia ki roto nei,
'To Jesu ngutuare nei?

- 2 Koai tatou, kia kaikai nei,
I teia kaingā kai tikai?
Koai tatou kia inu rai
'Te vai mapia e ora ai?

- 3 Koai tatou kia aere mai
E aravei ia Jesu Christ?
Kia riro oki tatou nei
Ei tamariki nana rai.

- 4 Naringa tatou ravarai
I kopaeia no te ai,
E tika rai—e tau tikai,
'Ta tatou ara tini nei.

- 5 Peeā tatou kia tateitei
'To tatou Pu ia Jesu Christ?
Tei apai ke ia tatou nei,
Ta tatou ara maata nei.

IMENE CXLII.

No te kainga kai a te Atu.

- 1 Kia tateitei tatou roarai
'To tatou Atu e tikai;
Nana i akatupu mai
I teia oroa tapu nei.
- 2 Kia teitei roa to tatou Pu,
Tei tangi mai ia tatou nei;
Kia kite pu tatou 'te tu,
O teia oroa tapu nei.
- 3 To Jesu reo iku nei,
Ki tona iti ravarai;—
E kai kotou, ka kai tikai
I toku orai tino nei.
- 4 E inu rai kotou katoa
I roto i te kapu nei;
Eiaa roa e taitaiā,
Kua ki 'te aroa maata rai,
- 5 E mako tika tatou nei,
I tona reo iku nei;
E kai tatou e inu rai,
Kia rekareka tatou nei.

IMENE CXLIII. (6. 8.) Sirelana

- 1 Te Pu ko Jesu Christ
E tateitei tatou;
Koia rai tei riro mai
Ei tarangaara mou.

2 Tonaio tino mou
Tana i oronga mai,
Kia kai to tatou nei ngakau
Te mana e ora'i.

3 Tonaio toto rai
Tei ta'e i teiane i ao;
Ko tana ia i oronga mai
Kia inu ua tatou.

4 E tateitei tatou
Ia Jesu Atu e;
Tei mate i te satauro
Kia ora tatou nei.

5 Te mea i mate ei
Kia ora to te ao;
Tusia mou ko Jesu Christ,
Tusia na tatou.

IMENE CXLIV. (8. 6.) Aberige

1 Takako roara i tatou
I teia kaingakai,
Na Jesu na to tatou Pu
I ikuiku mai.

2 "E akapera kotou nei
Ei maara anga mai,
I toku mate i rai nei.
Te mea i mate ei."

3 "Ka kai kotou i teia kai,
Ko toku tino nei;

E akairo teia koia oki
Te mea e keinga nei."

4 "Te kapu nei—ka rave mai,
E inu ravarai;
E maara i toku toto nei
'Riringiia mai."

5 Te mata ra o te ngakau
'Nana ia Jesu Christ,
I vaioia mai na tatou
I teia kainga kai.

IMENE CXLV. (S. 6.) Taakaaka.

1 Ei ngakau akaaka mou
To tatou roarai,
Ka akapini ei tatou
I teia kainga kai.

2 Ei ngakau tangi to tatou
'To tatou Atu nei,
I tona mate mamae mou,
No tatou i mate ei.

3 Ei ngakau tameitaki mou,
Kia tupu nai mai;
I omai ia'i no tatou
I teia kainga kai.

4 Ei ngakau auoano mou;
Ei rekareka rai,
I tona mate no tatou,
No tatou ravarai.

IMENE CXLVI. (8. 6.) Iberenia.

1 Kua vave roa te kainga kai,
 Kare e ape toe ;
 Tei pongi nei ka aere mai,
 Kua karangaia mai koe.

2 T' ora, te arca, e te au,
 T' ara e matara'i,
 'Te toto o Jesu te Pu,
 E koia rai te kai.

3 Mano tei kai i teia kai,
 Kua aere ki te ao ;
 E manganui te kai nei rai,
 E kare rai e pou.

4 Te tce nei te kai tikai
 Ia Jesu Atu mou ;
 Kia manomano tini mai,
 E kare rai e pou.

5 Kua vave roa te kainga kai,
 Eiaa e kotoe ke ;
 Kia tu roarai 'te kai tikai
 Auraka tai e toe.

IMENE CXLVII. (8. 6.) Evani.

1 E wina no te rangi mai
 Tei mua ia tatou nei ;
 No ko mai ia ia Jesu Christ ;
 No tatou i omai ei.

2 E tateitei, 'te Pu tikai,
 Ia Jesu Atu rai ;
 Tei omai i teia kainga kai,
 E koia rai te kai.

3 Tei viivii, e tei ngaro rai,
 Tei mamae te ngakau ;
 Te aronga no te mate mai,
 E aere mai kotou.

4 Tei putaua ka aere mai,
 Ki teia kainga kai ;
 No reira tatou nei i tae,
 Na Jesu 'pera mai.

5 E tateitei ia Jesu nei,
 Te Pu o teia kai ;
 Ko tatou 'kite ua mainei,
 Te ora e ora'i.

IMENE CXLVIII. (8.7.4.) Oahu

No te ka aere ki o te Etene

1 E kotou te au karere,
 Aere ria atu kotou
 Ki to te ao katoa nei,
 Taoi atu te ora mou ;
 Te ora mou,
 I omai ia e Jesu.

2 Te pa enua kare i tae
 T 'ingoa mana o Jesu,

E akakite pu tikai
 Kia ratou 't ora mou ;
 Kia kiteia,
 Kia kiteia 'te ora mou.

3 E angaanga maata rai
 Ta kotou i akakoro :
 Ka riri to te ao nei rai ;
 Ka riri te diabolō
 Ia kotou rai,
 E ta kotou e apai.

4 'Jesu to kotou ariki,
 Te mea iā ka maru ei :
 Ko kotou nei kia kapiti
 Kiaia rai, e peke ei
 Te enemi,
 E kotou rai e autu ei.

5 Maata rava te tutaki
 Me akono tika mou ;
 Ta Jesu, ta te Ariki
 E oronga no kotou,
 Te korona
 O te ora vai tamou !

IMENE CXLIX. (8.6.) Auburena.

No te Etene.

1 Aue aue te etene !
 'Aronga matapo !
 Aronga tu kaa tikai :
 Ko Satani te pu.

2 Aue te au etene e,
 'Tapekua ratou !

Nanave rai a Satani;
'To ratou matapo.

3 To ratou nei ngakau kua ki
I t' ara tini nei;
Te noo nei rai a Satani
'To ratou ngai tikai.

4 To Jesu iti ravarai
Kua tangi ia ratou :
Ae ratou e kite ei,
Ko Jesu rai te Pu ?

5 Aue, aue te etene !
'Mea tangi maata rai !
Aroa mai, e Jesu e,
Ia ratou ravarai.

IMENE CL. (8. 6.) Paradeiso.

1 To matou nei Metua mou,
Metua no te ao ;
Te Atua koe, te Atua mou,
Te Atua no matou.

2 Te au tangata ravarai,
'Te pa enua nei ;
Te Atua koe, te Pu tikai ;
Kare e Atua ke.

3 Pure 'tu ei matou ia koe
Te Atua no matou ;
Te au idolo ravarai,
Kia pou tikai ratou.

- 4 Kia riro ua te au ia koe,
Te Atua nui mou :
Aua roa e Atua ke,
E kitea i teiane i ao.
- 5 Kia kite to te ao ravarai,
I t' ora no matou :
Kia kite pu ia Jesu Christ
Te tarangaara mou.

IMENE CLI. (8) Punanga.

- 1 Kua putuputu tatou nei,
E pure i te Atua mou ;
Te tere ia i tae mai ei,
Kia tupu vave tona au.
- 2 Kia kite to te ao katoa,
Fia kite tikai ia Jesu,
Te enua tini katoatua,
Kia ora ravarai ratou.
- 3 Kia tupu 'teiane i tuatau,
'Ta Jesu i karanga mai,
Ki t' au pipi, "Aere kotou,
'Te pa enua ravarai"
- 4 "Toku ingoa ta kotou nei,
E taoi, ei ora no ratou,
Kare rai au e taka ke,
Ka waitata ra ia kotou."

IMENE CLII. (8. 8. 6.) Akapaapaa.

- 1 Kua mate roa to te ao,
Te ngere ua nei ratou
"Te ora e ora'i:

Atua kino to ratou,
 Pouri to ratou ngakau,
 'Te mea e mate ei.

2 Etene kino rai ratou,
 E angaanga kino mou,
 Ta ratou roarai :
 E taae ta ratou e noo,
 Te ta ua ra to ratou,
 Ratou uaorai.

3 Aroa i tera aronga e
 To ratou kite kore e !
 Faa ra e ora'i ?
 Tera te ora no ratou,
 Te 'vanelia meitaki mou,
 Te ora mou tikai.

IMENE CLIII. (S.) Jobu.

1 Te ngai o to te râ kaka,
 E kite rai te marama
 O Jesu Christ, te râ tikai
 'Te pa enua ravarai.

2 To roto i te pouri,
 Tei tapua e Satani,
 E ora rai ia Jesu Christ,
 Te ora mou ia e ora'i.

3 Te pa enua tini nei,
 E pure, e, e imene,
 'Te ingoa mou e tateitei,'
 'Te ingoa mou o Jesu Christ

- 4 E au meitaki to Jesu,
E rauka te ngakau maru
E rauka rai te ora mou,
Kia kimia e te ngakau.
- 5 E pure tikai ta'ou nei,
E pure mou ia Jesu Christ
Kia ora roa te etene,
Kia eke roa te enemi.

IMENE CLIV. (7.6.) Dunekireka.

- 1 Aue to apatonga,
Ma apatokerau ;
Aue to Aferika,
Tei noo etene mou ;
Aue t' au kauvai taito,
I India tikai,
Tei riro mai te rongu,
E tei te kino rai.
- 2 Kakara ua te aunga,
'Angi mai mei Ceilo ;
E tu ke rai te maunga,
O t' etene kino ;
E tu meitaki oti
To ratou kopapa,
Kua matapo takiri
I t' idolo toka.
- 3 Ko tatou nei tei kite
'Te ora mei runga,
Ka tinamou ua ainei
'Te lamapa ora ?

Te Ora ! a te Ora !
E tutu uaorai,
Kia taea 'te ao katoa
E t' ora e ora'i.

- 4 Kia na runga te reva,
Kia na runga te tai ;
Kia tu a meana ua,
Kia taea ravarai ;
Kia riro roa ia Jesu,
I teanei ao te au ;
Kia kore roa e mutu,
Kia vave tona tau.

IMENE CLV. (8. 8. 6.) Motingama.

- 1 Meitaki maata to tatou,
Tei rauka i teia tuatau
No ko 'te Atua mou ;
Kare rai to taito ke
I kite mai te ora nei ;
Poiri to ratou.
- 2 E Pu meitaki to tatou,
Te Atua mana no te ao,
Te Pu ia no tatou.
E rakau to taito ke,
E toka, e te kakau nei
Nga pu ia no ratou.,
- 3 E toto mou tei kitea mai,
Te ara nei e matara'i,
Ia Jesu Atua mou.

Te vanelia meitaki nei,
 Tei rauka mai i teianeī,
 Ei ora no tatou.

- 4 Auraka ra e kaimoumou,
 Tei kitea i teia tuatau,
 E tapu mou t'kai.
 E pure to tatou ngakau,
 Kia kitea roa e to te ao,
 Te ora e ora'i.

IMENE CLVI. (6. 8.) Iuri.

Salamo 2.

1 Eaa i riri ei
 T' aronga etene ?
 Eaa ratou i kimi ei
 Te mea tau kore ?

2 Te ui ariki
 Te tu ra ki runga ;
 Nga taoiau kua kapiti
 E maro 'te Atua.

3 Tatou e momotu
 'Ta raua tapeka ;
 E akaruke ke atu
 I te zugo teimaa.

4 Ka kata ua mai
 Tei noo i te rangi ;
 Ka tumatetenga tikai
 Tona au enemi.

IMENE CLVII. (6.8.) Baradeli.

Salamo 2.

1 Kua akatainu au,
I taku ariki,
Ki runga 'te maunga tapu,
Naku aia 'iki.

2 E akakite au,
'Te koreromotu,
'Taku Tamati moekau,
Koia ko Jesu.

3 Ka pati mai rai koe.
E oronga 'tu au,
'Te pa enua etene,
Ei tuanga naau.

4 E ngāngaa rai ratou,
I to pāpā auri,
E tu a kapu karaea mou,
E uongaunga titi.

IMENE CLVIII. (6.8.) Sirelana.

Salamo 2.

1 E t'au ariki e,
Kia pakari kotou,
Nga ava o te enua nei,
Ariki 'te ako,

2 Akamori kotou,
Ia Jehova nei,
Kia reka, e kia mataku,
'Kia ruletetete.

3 Ka ongi iaia,
Aua e tavare,
Me riri au, kare e roa
horo e mate ei.

4 Meitaki to ratou,
Tei rinaki rai,
I te lamaiti moekau,
Te ora e ora'i.

IMENE CLIX. 6.8.) Pu.

1 Te pure matou nei,
Ia koe e te Atu,
E akatika mai,
'Te tere o matou,
Kia tangi a to te ao,
Kia kite roarai ratou.

2 Kia ora roa ratou
I to ratou kino;
Kia kore ia Jesu
To ratou matapo;
Kia kite to ratou ngakan
'Tei tupu 'ia te Vaerua mau.

3 Kia mau piri tikai
Te pa enua nei;

Ei tangata roarai
Matou katoa nei
No Jesu—no te Ariki,
Kia ngere rava Satan.

IMENE CLX. (7.) Aarona.

- 1 Tei t' Ariki tikai nei,
Tei ia Jesu rai te au,
Nona te pa enua ke,
'Nona oki to tatou.
- 2 Tona te rongo riro,
To Jesu te Ora mou,
Ka topa ke tona rongo,
Ka ki takiri teiane ai ao.
- 3 Kotou to te itinga,
E to apatokerau,
Kotou to te opunga,
E aere roa mai kotou.
- 4 E to apatonga rai,
Aere mai ra kia Jesu,
Akamoraro tikai,
Ki mua i to kotou Pu.
- 5 Haleluia to te ao,
Kia matakou to te po,
No Jesu nei rai te au,
Nona te rongo riro,

IMENE CLXI. (8) Avarua.

No te kaingakai i te Me.

- 1 E maata roa ta tatou kai,
Ta t' Atua i omai nei;
Kia rekareka tatou nei,
I teia pokai maata nei.
- 2 E akamaara tika nei,
I to Jehova tangi nui!
E tangi maata tika rai,
To tatou Pu to Jesu rai.
- 3 No taua tangi nona nei,
'Tae ei tatou ki teia Me
Mareka maata tatou nei,
I teia pokai maata nei.
- 4 To matou Pu, e Jesu e,
Tiaki mai ia matou nei,
Te kino e te mea ke,
Aua e tae ki o matou nei.
- 5 E noo rai koe i teia ngai,
I rotopu ia matou nei,
Tiaki mai 'nga pupu nei,
E tae roa 'tu ki tetai Me.

IMENE CLXII. (8:6.) Paradeiso.

No te aunga Are pure anga.

- 1 Jehova mei taito mai
Te Atua okotai;

Te apinga tini roarai
Ko koe te Pu tikai.

2 E akara mai koe ia matou
Ki mua ia koe nei;
Te are i oti ia matou
E tameitaki mai.

3 E Jesu, e to matou Pu,
E tavaitata mai;
Kia rekareka te ngakau
O matou roarai.

4 Kia tapu roa teiane nei ngai;
Ei ngai mataka ia;
Ei noo'nga noou e Jesu Christ;
Ei ngai meitaki roa.

5 Ei ngai apiia e Jesu,
'Ngai pure ngakau tae;
Kia puta i te Vaerua noou
Te ngakau toka nei.

6 Jehova k' akarongo mai
'Ta matou pure mou;
Ei kunei koe ei teiane nei,
Kia ora roa matou.

IMENE CLXIII. (3.6.) Zatoka.

1 Kua akamoe te tango nei
'Te turanga tikai;
Kare atu e tango ke,
E mea okotai.

2 Ko Jesu taua tango nei
Kua mou ki Ziona ;
E rauka iaia 'te apai
Te ekalesia.

3 Ei are tikai tatou nei,
Ei ruuga ia Jesu,
Ei toka ora mou tikai ;
Ei nao tapu tatou.

4 E Jesu e, e noo mai koe
Ki roto ia matou,
E tomo koe 'te are nei
O to matou ngakau.

IMENE CLXIV .(8.6.) Hamesire.

1 Ko koe te Ariki no te au,
E tomo ua mai koe ;
Ei nooanga tikai teia noou,
Ka noo e Jesu e,

2 Ei ku nei mou kia puera
To mata e Jesu,
I tera ra, i tera ra,
Ei ku nei to ngakau.

3 Ei ku nei rai kia kitea mai
To mana nui roa ;
Te maki vaerua roarai
Kia ora katoatoa.

4 Tei tui, e tei matapo,
Kia ora iakoe ;

Te au kino o te ngakau,
Auraka tai e toe.

IMENE CLXV. (S.) Potugala.

No te mataiti ou.

- 1 Kia maara tikai tatou nei
I teia mataiti ke;
E rai tei mate ia tatou,
I tei topa ana tuatau.
- 2 Ko tatou nei kua vaocia mai,
'Te aroa mou o Jesu Christ,
Kua omai ia no tatou,
I teia mataiti ou.
- 3 Kua oti rai te karanga e,
"Ka vao ei aa, ka tipu ke;
E rakau pa e mea vivii;
Te enua nei kua tau."
- 4 Te pure ra te tanu kai,
"Aua e rapurapu mai.
E vao ua ana ia ratou,
I tetai mataiti ou."
- 5 Kia kore ra e ua mai,
Ka vao ei aa, ka tipu rai;
Kia taka ke, e tamaro,
Ei vale no te ai 'te po.
- 6 E Jesu akatupu mai,
Kia ua matou rorari:

Eiaa matou e kaimoumou,
I teia mataiti ou.

IMENE CLXVI. (8.6.) Ekalesia.

E imēne nō tē aiai.

1 Tauturu mai e Jesu e
I teianeī aiai,
Kia apai au i te tusia
E kiteia mai.

2 Te tusia o te ngakau
Ko taau i reka mai,
Kia na ko rai ia ia Jesu.
Taku nei ē apai.

3 Naaū mātou i tiaki
Mei tē popongi mai,
I teianeī po, e ao ake
Tapapa ua mai rai.

4 Tameitaki mai ia matou
I to Vaerua mou,
Me mate marou i teia po
Kia tae rai ki to ao.

IMENE CLXVII. (8. 6.) Walesala.

No te mate nga.

1 E apii mai ia matou nei
E to matou nei Pu;

Te mutu 'nga o te ora nei,
Kia kite pu matou.

2 Tai angaonu ua nei,
To tatou tuatau;
E pūapinga kore rai,
Te ora o tatou.

3 Kua tae to etai kotinga,
Kua aere ki te po;
Ka vave rai te openga,
Ka mate rai tatou.

4 Kia akono tikai tatou nei
Koi toe mai te ao;
I teia ra akono ei
Kua vaitata te po.

IMENE CLXVIII. (8.6.) Arabia.

1 Te aaki ua nei matou
Ia koe te Atu e,
E paruka ua tika mou,
E toke matou nei.

2 Te vave nei te tere'nga,
'To matou tuatau;
Ka vave rai te matenga
E kare rai e mou.

3 E maata rai te maki nei,
Kua pini roa tatou;
Te mate tini 'tu ua mai,
Te tangata kia pou.

4 E pereta 'e mate nei,
Kia muru ua te a'o
Kopae tikai te kino nei,
Ka tae aea ki te po.

5 Akaara mai, e Jesu e,
Eiaa matou e moe ;
Kia tae to matou mate nei,
Kia aere kia koe.

IMENE CLXIX. (S.6.) Iberenia.

1 E po malaku, taitaia
Te mate tino nei ;
Ka aere ke te vaerua,
Te tino nei ka pe.

2 Kia kite ra ko Jesu nei,
Tei mate no tatou ;
Te taitaia kua peke ke,
Kua reka te ngakau.

3 I vai ua mai te ara nei,
Kare i peke ke
Ko to te mate tara rai,
E to ade ia re.

4 Kia tamaia tatou nei,
'Ta tatou ara rai ;
E autu tika'i tatou nei,
'Te ma e roara.

5 Ka koia rai te mate nei,
Kare tatou e tu ;

Kua aati tona tara nei,
Ki roto ia Jesu.

IMENE CLXX. (8.) Aneri.

- 1 Kua kite tatou roarai,
Ta te Atua i na ko mai;
"E no te one mai ta'ou,
Ka oki rai ki reira mou."
- 2 E kore roarai tatou,
E roa ua i teiane ai ao;
Te tino no te one mai,
Ka oki ua ki reira rai.
- 3 Kia akono tatou roarai,
Kia kite pu ia Jesu Christ,
Kia akono i teiane ai ao.
Kia rauka pu te ora mou.

IMENE CLXXI. (6.8.) Sirelana

- 1 E te Atua e,
Ka mate ua matou;
E parukaua tikai nei,
Kare ua e mou.
- 2 Te mate ua matou,
Te au ra roarai;
Ka riro rai ei one mou,
Kia tae te ra tikai.
- 3 Kia rokoia mai,
'Te ra e mare ei;

Kia vave matou roarai,
Ka mate atu ei.

4 Aua e tavare,
Auraka rai e noo ;
Kia rukoia 'te mate nei,
Kua tae ia ki te po.

5 Teia te tuatau,
E rekaia mai ;
E rauka tika'i ia tatou,
Te ora e ora'i.

IMENE CLXXII. (8.6.) Evani.

1 E are pe te tino nei,
Ta tatou nei e noo ,
E riro na te toke nei,
Ei kai, e kia pou ;

2 E tau aina ia tatou nei
Kia rekareka rai ?
E vaco te tino kia pe,
Te toke kia kai ?

3 E tika rai ia, ko Jesu,
Tei aere ki te ao ;
E tameitaki no tatou,
Etai noo anga mou.

4 Te are puakapa nei,
Tei rureterete ;
Kare e roa e inga ai,
No te mea kua pe.

- 5 Tauturu mai e Jesu e,
 Kia kimi pu matou ;
 Kia tu anake inatou nei,
 'Te are manea mou.

IMENE CLXXIII

No te matenga o te tangata akarongo.

- 1 Taku Vaerua ora e,
 Tuku 'taku tino nei,
 Aue te matakū e!
 Te rekareka māata e!
 K' akaruke teia ao,
 Ka aere ki te ora mou.
- 2 Na ! te reo angela e,
 Taku teina k' aere mai,
 Eaa i paruparu ei?
 Toku ao e ope ei?
 Maremo taku vaerua e?
 'Te mate ainei teianei?
- 3 Te ngaro ke nei teia ao,
 Te kitea nei te rangi mou,
 Kua imene ratou.
 'Peau toku ka rere ke,
 Kua re rai koe e ade e,
 Kua re rai to mate.

IMENE CLXXIV. 8.7.4.) Sidene

No te rā openga.

- 1 Ra taitaiā ! ra matakū !
 'Na te tangi o te pu !

Me te kokina mangungu !
Maata tona aruru !
M ea matakū
To tei reira tuatau !

2 E tu akaou mai 'tona reo,
T' aronga mate roarai ;
Te enua ma te tai ka keu
'Tona aere anga mai ;
Tei kino nei
E oro kotou iaai ?

3 E ae oki ia aronga e !
Kia tae 'taua ra tikai,
Kia na ko ia "Ka aere ke
Anake kotou, ki te ai
O Satani,
E tanā au angela rai."

4 Kareka 'tetai papaki
ka na ko ia a Jesu Christ
"Aa aere mai e kotou e,
E aere mai ki toku ngai ;
No kotou nei
Te basileia mou tikai."

5 Kia tupu rai te manako
I teia tuatau tikai
Kia kore rai e matakū
'To Jesu tae anga mai,
Kia reka ua,
Kia pou te ao nei i te ai.

IMENE CLXXV. (8.) Lutera.

- 1 Kia tae te ra e aere mai
A Jesu, Ava maata mau.
E ka te ao nei i te ai,
T' apinga tini nei ka pou.
- 2 E ta'e te mato maro nei
I taua veravera rai;
Te rangi nei ka peke ke
E pou t'enua, ma te tai.
- 3 Ei reira rai e kitea ai,
To te Atu papaki mou;
Kia tukua ratou roarai
I to Jesu rima katau.
- 4 E Jesu, akatupu mai
I roto 'to matou ngakan,
'Te anoano mou tikai,
Kia noo i to rima katau.

IMENE CLXXVI. (8.) Aneri.

- 1 I maara au kua tae te ra,
Kua aruru te tangi pu;
Kua amama te vaarua,
T' aronga mate nei kua keu.
- 2 Kua omai ua to te tai,
I to te Ava maata reo;
E to t'enua ravarai
'Te ava 'aga kua takuko.

8 Nga buka maata kua eeu,
 I ki i ta te tangata
 I rave, te aronga peu
 Ka aaki na ua ia mai ia.

4 Ka akakite pu mai ei
 'Te tu t'ka o t' utunga;
 Te pae ora, e tei mate;
 Tei raro pae, e tei runga.

5 T' au buka nei, kia eeuia
 Kia kite pu matou roarai,
 'T' ingoa nei, kua tataia
 'Te buka ora moa tikai.

IMENE CLXXVII. (8.7.4.) Alama.

1 I na! te aere mai nei aia
 Na te tiao rangi nei;
 Tama ia na te Atua,
 Koia rai ko Jesu Christ;
 Ka ava aia,
 Ka ava aia i to te ao.

2 Tei muā na ia aerenga,
 'Tere ora i tae mai ei;
 Tei te rua o tona tae 'nga,
 'Tae 'nga ke to Jesu Christ,
 Ka ava aia,
 Ka ava aia i to te ao.

3 T' aronga nei i tanumia,
 'To te ao katoa nei;

Ki akatu anake ia
 Ki mua rai ia Jesu Christ
 Ka aua aia
 Ka aua aia i te ao.

IMENE CLXXVIII. (3.6) Amiti.

No te ao o te Aua.

- 1 E rekareka maa a roa
 Tei runga i te ao ;
 T' aronga meitaki kaia
 Tei reira roa ratou.
- 2 Te aronga tapu takere,
 Te peroveta ra,
 Nga taunga tino meitaki,
 Tei reira aia rai.
- 3 Nga aposetolo a Jesu,
 Nga pipi mo u tika,
 Tei takako 'to ratou Pu,
 Ki tona oranga.
- 4 Tei reira te aronga rai,
 Tei tu ke te ngakou,
 Tei okoia e Jesu Christ,
 Tei reira roa ratou.
- 5 Akono tikai tatou nei
 Kia tae rai ki te ao ;
 Na ko ia ia Jesu Christ
 Na te mataara u ou.

IMENE CLXXIX. (8.) Founelnga.

- 1 E inangaro maata roa,
Tei okoia e Jesu Christ
Kia kite pu ratou katoa,
I tona tu kaka tikai,
- 2 E anoano maata rai,
To ratou Atu mou tikai;
Kia kite pu ratou roarai,
I tona ngai manea tikai.
- 3 Kia tae ratou ki tona ngai,
Ki runga i te ao tikai,—
Ka kite pu tikai ratou,
'Te mata o te Atu mou.
- 4 E ngai e ki, e ki tikai,
Ki t' au meitaki ravarai,
Te vai mapia—te Ora mou—
Te rekareka—e te au.
- 5 Ka o ratou, ka o tikai,
Tei tamaia e Jesu Christ
Ka ki ratou—ka ki tikai,
Ki t' au meitaki tini rai,
- 6 Aue, te rekareka e?
I teia ngai kaka tikai;
Euea te pa, e Jesu e,
Kia tomo matou ravarai.

IMENE CLXXX. (12.) Ngutuare tikai.

- 1 Tei te rangi i runga to tatou oire,
E kare i raro i te ngai kino nei,
Kua porokiroki ko te akaruke,
I t' enua kikino ta tatou e noo nei.
- 2 Kua akonokono e kare e peu toe.
Te tatari marie i te matangi tikai,
Kia kiritia te pai, ka akatu i te ra,
K' akalere atu i te enua i runga.
- 3 Ko te oire tikai ia kia kimi tatou,
Kia tau tikai tatou no te oire mou,
Kia ta-okotai ma to tatou Ariki,
Te au kino roa nei ka kore takiri.

IMENE CLXXXI 8.8.6, Leata.

- 1 E tuanga tikai tona
To tei purutia ua na
I teia ao kino;
Kare ona e ngai 'ku nei
E tika kia tapu, e
Kare aia e noo.
- 2 Ko tana ra e akono,
Kia tamouia te manako
'Te au mea i runga;
Me tamouia ki raro nei
ka ngere i te ora, e
Ka kino t' openga.

3 Tei runga te apinga mou,
 Tei reira tikai tona Pu,
 Ma te noo 'nga tikai:
 Ako no tika rai tatou,
 E kave mamao 'te ngakau
 Kia tae anake rai.

4 Faa tikai te tavare
 Me vave mai te karere
 E tiki ia tatou?
 Kia kai tikai 'te kai ora,
 Kia pare rai 'te korona
 O t'ora va: tamou.

IMENE CLXXXII. Sanito.

Isaia 6. 3.

1 Tapu, ! tapu, ! tapu!
 To Jehova Sabota;
 Kua ki te ao nei i to meitaki
 e to kakô,
 Tei ia koe te au e Jehova.
 Aleluia, Aleluia.

IMENE CLXXXIII. (8.6.) Porete.

No te alaotiangā.

1 Mei te ua no runga mai
 E topa nui mai;
 E mara ei te kōinga nei;
 E topu ei kai.

2 Kia pera mai rai ia matou,
 E Jesu Atu mou;
 Riringi nui te Vaerua noou
 Ki runga ia matou.

3 Kia akarongo matou nei
 'Te tuatua tikai;
 Kia mou ki roto 'te ngakau
 O matou roarai.

IMENE CLXXXIV. Esexā.

1 To matou Atu mou
 Te Atua nui nei;
 Kia mou ki roto ia matou
 Te tuatua tikai.

2 Kia uunaia mai,
 Ki roto 'te ngakau,
 Te 'vanelia mou tikai,
 Kia ora roa inatou.

IMENE CLXXXV. (12.)

Kia paapāia te Atua.

1 Paapāia i t' Atū te au mea katoatoa,
 Ma to runga rava, e to raro nei;
 Tona au nuku e noo 'te rangi roa,
 Te au angela—tona au karere.

2 Marama tu keke, e t' au etu rere,
 Ma t' au etu i kamo mai 'te rangi,
 E te rā kaka—rama o te ao nei,
 To kotou Atū e akameitaki.

- 3 Te ai, te kou, te auai, e te ua,
Te uriia, e te matangi rai,
Te tiao tere, vaka o Jehova,
Paapaa kotou iaia anake rai.
- 4 T' au maunga nui, e te au rakau kai,
T' au ika nui, t' au mea totoro,
Te au ngaru, te kare, e te tai,
E akamenaki i to kotou Pu.
- 5 Paapaa rai t' uira kanapanapa.
Te mangungu e keu ei te enua,
E te au uriuri tumoana,
Nona nei te mana katoatoa.
- 6 Te au maunga ka—te ai kai enua,
Te ngaruerue enua e ru ei te maunga,
Paapaa i te Atua, tupou ki mua iaia,
Nana anake kotou i anga.
- 7 Te anuanua i tautau mai 'te reva,
Akairo oki o tona arua nui,
Paapaa t' kai i to Noa ma Atua,
Tei kore i mate i te deluvi.
- 8 Te au ariki nei, te tangata katoa,
Te au tane, e t' au paretania,
Te tamariki e te au metua,
Paapaa i te Atua mana katoatoa.

TE MEA I KITE EI TE AU IMENE

Aea e Jesu Atua e,	96
Angairi toku ngakau nei,	92
Akamaroro tatou,	130
Akara kotou i te ro,	125
Ao mamae tei raro nei	123
Aroa aite kore mou	10
Aroa maata tona nei	6
Aroa maata tu ke rai	9
Aronga iuikaa tatou	79
Atua mou tei runga nei	2
Aua e akamura mai,	112
Aue, aue te etene!	149
Aue te kino nei!	107
Aue to Apatonga	154
Eaa au e tavare ei ?	126
Eaa e riri ai	156
Faa tera ra reo ke ?	24
E aere mai, e tama e,	16
E aere mai, e tamâ e,	136
E aere rekareka mai,	67
E akapaapaa au	128
E akapaapaa tatou nei	11
E akara 'nga meitaki	127
E anoano maata ia	73
E ao rai to te tangata,	119
E ao tikai to ratou rai,	134
E ao tikai to tatou nei,	74
E apii mai ia matou nei	167
E ara maata ta matou	95
E are pe te tino nei,	172

E are to nga tangata	8.
E aroa maa'a teiane	7
E aroa tona, aroa mou	8
E ngakau ara uara	9
E ingoa meitaki maata toou	4
Ei ngakau akaaka mou	14.
E inangaro maata nei	4
E inangaro maata roa	179
E kotou te au karere	14
E maata roa ta tatou kai,	16
E mataora toku nei,	78
E metua mou to tatou nei	121
E paapaa au ia Jehova,	7
E po matakau taitai	169
E ra meitaki teiane,	50
E rekareka maata roa	178
E reo to nga rangi nei,	72
E rutu te pau i to Aiphiti tai !	84
E taku Atua e,	104
E tau iaai kia imene	8
E te Atua e,	17
E te Atua e,	91
E te Atua mou tikai	132
E t' au ariki e	
E te au toa e,	68
E tei kimi matatio nei	94
E toa anake rai,	135
E to matou Metua e,	105
E tuanga tikai tona	181
E Vaerua mana te Atua	5
E wina no te rangi mai	147
Nga paratenia	89
Ia Jesu t'ora i omai	122

Jehova akarongo mai,	111
Jehova e, k'erataki	110
Jehova e, kua kite koe	3
Jehova Jesu meu	100
Jehova ka akarongo mai	113
Jehova mei taito mai	162
Jehova ta tatou	65
Jehova te Atua meu	17
Jesu te arataa tikai	46
Jesu toku Pu tikai	118
Jesu te tume o te ora	108
I maara au kua tae te ra	176
I na! te aere mai nei aia	177
I na te urupu	22
I te ingoa o Jesu nei	76
I toou arataa tikai	101
Ka ariu mai e Jesu e,	59
K'akama a nei tatou nei	117
Ka kake ei to tatou Pu	131
Karanga mai a Jesu e	42
Ka rave koe toku ngakau	93
Kare 'e te aroa	27
Kare Jesu i aere pai	15
Kare te aranga ara nei,	120
Kia aketanga	70
Kia maara tikai tatou nei	163
Kia nana au 'te satanro	36
Kia pure atu tatou nei	90
Kia rauka pu ia tatou nei	102
Kia rekareka tatou nei	18
Kia tae te ra e aere mai	175
Kia tatetei tatou roara	142
Ki mua tikai 'tina noo'nga	92
Koai tatou e tima e,	141

Ko ai te kaki vai,	80
Ko au te Vine mou	44
Ko Jesu Christ te Pu tikai	29
Ko koe te Akapu anga	1
Ko koe te Ariki no te au	164
Ko koe te Vaerua Mou'	19
Kua a-re akaou mai	61
Kua akamoe te tango nei	163
Kua akatainu au-	157
Kua akavai au ki raro	116
Kua baptizoia	133
Kua kite au ia Jesu nei	77
Kua kiteia koe e au	106
Kua kite tatou roarai	170
Kua mate ainei toku Pu	32
Kua mate roa to te ao [unga	152
Kua na ko t'aroa, Oro ki te ma-	83
Kua putuputu tatou nei	151
Kua rai toku au enemi	115
Kua rauka tikai ia tatou	60
Kua rekareka roa au	58
Kua tae te sabati	54
Kua tathouia e Jehova	49
Kua tu akaou Jesu	39
Kua tu akaou te A'u nei,	38
Kua tuku ki raro te kupenga	88
Kua vave roa te kaingakai	146
Maara tatou i teianei	4
Mareka rava atara au	57
Meitaki maata to ratou	71
Meitaki maata to tatou	155
Mei te ua no runga mai	183
Naai a Davida	129

Na te Metua i unga mai	13
Na! te reo o te arua	37
Noea te imene	23
No te ara i mate ei	109
No te arua maata noou	114
No te aronga ara nei	26
Osana, osana ia Jesu Mesia	35
Paapaa i t'Atu te au mea ka-	185
Poiri to matou	98
Ra taitaià ra matakū!	174
Taki aere tatou	63
Takako roara tatou	144
Taoonga maata tu ke rava	69
Tapu, tapu, tapu,	182
Tatou ka imene	30
Tatou ka imene	64
T'au veka mano tini nei	21
Tauturu mai e Jesu e	166
Te aaki ua nei matou	168
Te akapaapaa nei matou	50
Te Atua mana nui mou	66
Te Atua nui nei	12
Te ngai o to te ra kaka	153
Teia te arataa tikai	45
Teia te ora mou tikai	28
Teia tikai te Mesia	25
Tei mua ia tatou te akairo arua	139
Tei t' Aniki tikai nei	100
Tei te rangi i ruuga to tatou	180
Tei ruruia nei	82
Te kakao paruparu nei	47
Te 'kalesia a Jesu nei	138
Te 'kalesia i ruuga	140

Te Pu ko Jesu Christ	143
Te pure matou nei	159
Te putuputu nei matou	52
Te ra sabati nei	55
Te rekareka nei matou	14
Te riri me tupu	103
Tei rotopu ia tatou nei	137
Te tuatua reka e ;	51
Te toto o Jesu	31
Te toto o Jesu	33
Te toto o Jesu kua maringi mai	34
Te ua me ruru	86
Te vai ra tei te ao	124
Te vanelia meitaki nei	81
Toku Akapuanga e	41
Toku vaerua ka tu	40
To matou Atua mou	184
To matou nei metua mou,	150
Vaerua mou ka eke mai	20
Vaerua tapu e	53
Varavara te au etu	97

TE TU O TE TUATUA I ROTO I TE AU
IMENE.

No te au aterebuti a te Atua,	1—17
Te angaanga a te Vaerua Meitaki	18—20
No Jesu	21—51
No te sabati	52—61
E au imene akameitaki	61—81
No tetai au parabole	85—88
No te Pure	90—101
No te au tuatua ke ke	105—120
Na te tamariki	121—129
No te akamatutu	130
No te Bapetizo anga	131—133
No te Ekalesia	134—147
No te Etene	140—160
No te Me	161
No te ainga are pure	162—164
No te mataiti ou	165
No te aiai	166
No te mate anga	167—173
No te ra openga	174—178
No te ao o te Atua	178—181
No te akaoti anga	182—184
Kia paapaaia te Atua e te au mea katoatoa.	185

